




LIBRARY OF THE
UNIVERSITY OF ILLINOIS
AT URBANA-CHAMPAIGN

Emblems


x272

354s

v.1




RARE BOOK ROOM





100



I-9.

S A C R V M
SANCTVARIVM
CRVCIS
ET
PATIENTIAE
CRVCIFIXORVM ET CRVCIFERORVM,
EMBLEMATICIS IMAGINIBVS
LABORANTIVM ET ÆGROTANTIVM
ORNATVM:
ARTIFICES GLORIOSI
NOVÆ ARTIS BENE VIVENDI ET MORIENDI:
AVCTORE

R.P. PETRO BIVERO Matritensi Soc. Iesv Theologo,
Serenissimorum Belgij Principum Concionatore.



NOVEMBER EIGHTH MCMXCVI
ARTIFICIAL GLORIOSI


SCULPTURE BY
T. P. PARKER



PATIENTIA



Salvus Agnus.



Moribus remedium.

ET
LABORE
CONSTANTIA


SACRVM
SANCTVARIVM
CRVCIS ET PATIENTIÆ
CRVCIFIXORVM ET CRVCIFERORVM,
EMBLEMATICIS IMAGINIBVS
LABORANTIVM ET ÆGROTANTIVM
ORNATVM:

ARTIFICES GLORIOSI

NOVÆ ARTIS BENE VIVENDI ET MORIENDI
SECUNDVM RATIONEM REGVLÆ ET CIRCINI;

Auctore R.P. PETRO BIVERO Matritenji Soc. IESV Theologo,
Serenissimorum Belgij Principum Concionatore.

ANTVERPIÆ, EX OFFICINA PLANTINIANA BALTHASARIS MORETI. M.DC.XXXIV.
CVM PRIVILEGIIS CAESAREO ET REGIO.



SERENISSIMO
PRINCIPI
FERDINANDO
S. R. E. CARDINALI
HISPANIARVM
INFANTI.

N SACRO ORATORIO
Immaculatæ MARIÆ , &
animæ creatæ , & innouatæ
arte & artificio Baptismatis,
Pœnitentiæ , & Eucharistiæ,
Serenissimis Belgarum & Burgundionum
Principibus , auunculis & prædecessoribus
vestris , FERDINANDE PRINCEPS , pro
mei famulatus debito , & humilitatis meæ
officio , solemniter parentui . Sub æterna
& gloria Archiducum tantorum memo-

ria S A C R V M O R A T O R I V M patuit: & in eo variæ effigies & imagines apparuerunt, sacra Emblemata nouæ Artis benè viuendi & moriendi; cuius ope & operâ deformata anima reformabatur & recudebatur. Verùm enim uero cùm omnis ingenua ars nobiles & illustres artifices amet & habeat; ars inclyta benè viuendi & moriendi gloriosos professores planè est assecura.

Ecclesiastes 2, 1. Hanc artem aggredienti occurrit Sapiens, & suggerit: *Fili accedens ad servitutem Dei, stet in iustitia & timore, & præpara animam tuam ad temptationem.* occurrit,
2. Timothy 3, 12. & præuenit omnes Paulus: *Omnis qui pie vivere volunt in CHRISTO IESU, persecutionem patientur.* Ergo cultores omnes summæ artis benè viuendi & moriendi, in regula Crucis, & in circino Laboris atque Constantiæ absoluenter & perficient opus suum, similes glorioso Regi, qui instrumento Crucis usus, primus ac primarius Artifex secundum rationem circini viuens

viuens & moriens , mysterium redemptio-
nis peregit ; & cùm opus suum conclude-
ret , afferuit : *Consummatum est.*

Ioan. 19,
30.

Consummatus in ligno , & per lignum ,
summus Artifex Crucifixus , Crucifixos
sibi similes in formâ vitæ ac mortis suæ
secum pariter euexit , & in cælum inue-
xit : quos profert & offert S A C R V M S A N-
C T V A R I V M *Crucis & Patientia Crucifi-*
xorum & Cruciferorum, Emblematicis ima-
ginibus laborantium & agrotantium orna-
tum. Gloriosi Artifices omnes , & omnes
coronati & laureati , porrectis in cælum
manibus optatum vestrum aduentum , S E-
R E N I S S I M E F E R D I N A N D E , precantes ,
pro læto introitu omnia felicia & fausta
optant ac pollicentur . Conuolant omnes
Crucifixi expansis brachiis in regales ve-
stros amplexus , & auium instar expanden-
tium alas suas in aëre sublimes pendent , se
ostentant & præsentant ; vt , bonis auibus ,
in Belgium , à Belgis obsequio vestro sacra-
tis

tis expectatus & expetitus , feliciter ingredi-
aris. Omnes & singuli Crucifixi , quo-
rum icones in hoc SACRO SANCTVA-
RIO ostenduntur, non tam vocibus quam
Crucibus attestantur , & monent : *In hoc
signo vinces.*

Vinces, FERDINANDE, vinces tanto
monitus oraculo , quod olim Constanti-
no Magno glorioſiſſimas victorias præ-
nuntiauit , & quas ipſe virtute sanctæ Cru-
cis comparauit. Nec quidem ſine labore
victoria : quæ cauſa fuit, ut Constantinus
Imperiale Crucis vexillum , acceptum di-
uino oraculo , *Labarum* eſſe & vocari in
caſtris decreuerit ; fanxeritque, ut hoc ip-
ſum à militantibus omnibus instar SACRI
SANCTVARII haberetur & coleretur.
Hoc ipsum in caſtris Regiis & *Labarum*
ſit & SANCTVARIVM CRVCIS, ET
PATIENTIÆ; quæ virtus, ſicut & Crux,
aulica eſt, & militaris.

Vixit in aula , & obiit ſecundūm lauda-
bilem

bilem artem vitæ & mortis, dum Catholi-
ci Reges auus & pater V. CELSITVDI-
NIS dominarentur, MARCHIONISSA
DE CAMARASSA, Comitis Ducis amita,
insignis Heroïna; quam *magnum Heroëm*
Hispanus Salomon, vester auus, appella-
bat. Hæc inclyta matrona, cùm essent in
Regia Curia pluriimè pia & magnifica sa-
tis templa, optabat ut nouum conderetur.
SANCTVARIVM quod DIVINÆ PA-
TIENTIÆ consecraretur. Laudabile vo-
tum; & pro voto SACRVM VIRTVTI
PATIENTIÆ hoc SANCTVARIVM esto,
quod sub Regio nomine, protectione ac
patrocinio REGIÆ V. CELSITVDINIS,
conditur & editur.

Nec solum aulica, sed etiam militaris
Patientia est; cuius nuda species, vacua &
inanis umbra, de hostibus triumphare no-
uit. & quidem Romæ triumphauit, quem-
admodum lib. i. Machab. cap. 8. comme-
moratur: *Et audiuit Iudas nomen Romano-*

rum, quia sunt potentes viribus, & acquiescent ad omnia quæ postulantur ab eis: & quicumque accesserunt ad eos, statuerunt cum eis amicitias, & quia sunt potentes viribus. Et audierunt prælia eorum, & virtutes bona-
nas, quas fecerunt in Galatia, quia obtinuerunt eos, & duxerunt sub tributum: & quan-
ta fecerunt in regione Hispania, & quòd in po-
testatem redegerunt metalla argenti & auri,
quæ illic sunt, & possederunt omnem locum
confilio suo & patientia. Quòd si figurata &
adumbrata Patientia bellica magnanimos
Romanos fecit, & constituit in Hispania
triumphatores; faxit Deus, ut vera Patien-
tia Christiana, quæ hactenus pro Hispa-
nia, focus & aris Belgicis, contra hostes pæ-
nè innumeros militauit, sub Regio nomi-
ne vestro, CATHOLICE FERDINAN-
DE, bella, Deo adiutore, conficiat, victrix
& triumphatrix perficiat. Patientia autem
opus perfectum habet. Habuit olim perfe-
ctum opus in castris & præliis contra Mau-
ros

ros patientia sancti FERDINANDI vestri progenitoris gloriosi, cui solemne symbolum fuit, *Dominus mihi adiutor*: eodem quoque adiutore nuper in castris & armis ad Nortlingam in Germania victricibus, more maiorum, qui *possederunt omnem locum consilio suo & patientia*, habuisti & possedisti: ac deuictis copiis hostilibus, victor & triumphator in Belgium tuum ingrederis. Quòd si, moribus antiquis, nouæ portæ victoribus aperiebantur, patefactæ sunt V.CELSITVDINI in Germania, & etiam in Belgio: vbi cælesti tractus præfigio, & diuino afflatu tactus magnanimus Heros Marchio Aytonæ, qui rem hactenus restituit, feliciter per clausum omnino Mosam gloriosos aditus patefecit, dum insulam sancti Stephani, Castrum Luthense, & Argentauum ad Nauiam oppugnauit & expugnauit. Magna pro meritis oppugnatoris & expugnatoris gloria, glorioso triumphatori fores obseratas referasse.

Per nouas igitur portas solemnem agens
triumphum ingredere F E R D I N A N D E
P R I N C E P S , æmulus GLORIOSI RE-
G I S C R V C I F I X O R V M & C R V C I F E-
Apoc.6,2 R O R V M , qui exiuit vincens ut vinceret.
victor ex Germania egredere , & tuum
ingredere Belgium , nouarum theatrum
Pf.44,5. maximum victoriarum : intende , prosperè
procede , & regna .





*Angele Dei
Custodi, Illumina, et Rege.*

L V M E N S A C R I S A N C T V A R I I .

Sacra vox SANCTVARII, quæ satis frequens
in Oraculis diuinis, in vsu etiam est Scriptori-
bus Latinis, atque in primis Plinio lib. 23. Hist.
cap. 8. In Sanctuariis, inquit, Mithridatis
maximi Regis deuicti Cn. Pompeius inuenit in pe-
culiari commentario ipsius manu compositionem
antidotis. *Quod nunc datur CRVCIS ET PATIENTIAE
SANCTVARIVM, non deuicti, sed victoris est Regis.*

Tripartitum hoc SANCTVARIVM est, cuius prima

pars Regem gloriosum Crucifixum, et Crucifixos Principes, Apostolos, Episcopos, & Abbates in effigie repræsentat. Pars secunda alios inferioris gradus affixos Crucis demonstrat. Pars tertia Crucifixas ostendit feminas, quas omnes Regina gloria preit.

Quales Crucifexi, tales & Cruciferi laborantes & ægrotantes: quorum lectus doloris omnimodam sympathiam cum Dominica Cruce habet; quam seruant cum ipso Domino Crucifixo martyres Crucis affixi.

Crux tam Crucifixorum, quam Cruciferorum, instrumentum est artis benè viuendi & moriendi, quæ in sacro descripta fuit ORATORIO. Hoc instrumentum innatam sibi virtutem deriuatam à Patientia habet, eleuatam verò à sacrosancta Eucharistia. Hoc instrumento artifices cælestes utuntur, vt sibi coronam parent; & parant dum laborant & ægrotant. Honor quippe alit artem benè viuendi & moriendi: & hic honor singulis laborantibus & ægrotantibus proponitur in SANCTVARIO. Et ad singulas imagines extrema morientium Sanctorum verba citantur, ut illa tamquam oracula in lecto doloris colant, ac meditentur: præsertim septem ultima CHRISTI verba, quæ laureata & coronata Patientia ad regulam certam reducet
Iacob. i. 4. in fine & Appendice SANCTVARII; in quo Patientia opus perfectum habet.

Hoc munus Angelo Custodi incumbit, vt non solùm ad ORATORIVM Baptismi, Pœnitentie & Eucharistie annas


*mas fideles ducat, sed etiam deducat ad SANCTVARIVM.
Angelus enim ille, sub cuius custodia & cura populus He-
braorum erat, & à quo ductus est per Rubrum mare, &
desertum, sua præsentia & lumine illustrabat SANCTVA-
RIVM, quod filij Israëlis intrabant, & in eodem summum
Deum adorabant. Eapropter idem ipse custos Angelus, qui
fuit in ORATORIO duxtor, dux quoque nunc est in
SANCTVARIO ; cuius tres partes tripartito suo lumine
ostendit, & declarat ingredienti, occurritque iam dicenti:
Angele Dei , qui custos es mei , me tibi commis-
sum pietate superna , custodi, illumina, rege & gu-
berna. Amen.*

*Angelus Custos phosphorus est SANCTVARII , in cu-
ius sacrato limine præmittenda est nostra confessio , eadem
omnino cum illa quam Tertullianus in exordio sui libri de
Patientia in verba sequentia præmisit:*

*Confiteor ad Dominum Deum, satis temerè me,
si non etiam impudenter , de patientia componere
ausum, cui præstandæ idoneus omnino non sim , vt
homo nullius boni ; quando oporteat, demonstra-
tionem & commendationem alicuius rei adortos,
ipsos priùs in administratione eius deprehendi , &
constantiam commonendi propriæ conuersationis
auctoritate dirigere , ne dicta factis deficientibus
erubescant. Atque vtinam erubescere istud reme-
dium ferat , vti pudor non exhibendi , quod aliis
sug-*

suggestum imus , exhibendi fiat magisterium : nisi quòd bonorum quorumdam , sicuti & malorum , intolerabilis magnitudo est , vt ad capienda & præstanda ea , sola gratia diuinæ inspirationis operetur . Nam quod maximè bonum , id maximè penes Deum ; nec alius id , quām qui possidet , dispensat , vt cuique dignatur . Itaque velut solatium erit disputare super eo quod frui non datur , vice languentium , qui cùm vacent à sanitate , de bonis eius tacere non norunt . Ita miserrimus ego , semper æger caloribus impatientiæ , quam non obtineo patientiæ sanitatem , & suspirem , & inuocem , & perorem necesse est , cùm recordor , & in meæ imbecillitatis contemplatione digero , bonam fidei valetudinem , & Dominicæ disciplinæ sanitatem , non facile cuiquam , nisi patientia assideat , prouenire .

Post hæc pinxit Tertullianus Patientiam , quām nos typis excudimus , & exprimimus per varias Crucifixorum imagines in gratiam laborantium & ægrotantium : Et quidem sectantes exemplum simul & documentum S. CAROLI BORROMAEI , qui sacris propositis imaginibus laborantes esse iuuandos censuit : & ipse ægros his iuuabat ; monebatque Sacerdotes , vt ostensis sanctis iconibus languentes & morientes excitarent . Hæc SACRI SANCTVARII praxis , hic piarum eius imaginum usus , & cultus esto .



*Lectus doloris et mortis iustorum,
secundum mensuram Crucis.*

SYMPATHIA CRVCIS ET LECTVLI PASSIONIS ET ÆGRITVDINIS.

 *Vm sacræ Crucifixorum imagines, quæ in SACRO hoc SANCTVARIO proferuntur, Emblematicæ omnes sint, indices status laborantium & ægrotantium, qui lecto doloris affixi variis morbis diuexantur & afflictantur, præmonendi sunt infirmi, quanta sit inter Crucem & lectulum materia, formæ, & finis paritas & similitudo.*

Ex

Eadem
materia
Crucis &
lecti.

Ex eadem ligni materia Crux & lectus fabrefunt. Contempserant hanc materiam, in quos grauiter inuenitur Amos cap. 6. Væ qui opulenti estis in Sion, &c. Qui separati estis in diem malum: & appropinquatis folio iniquitatis. Qui dormitis in lectis eburneis, & lasciuitis in stratis vestris. Præstat in lecto ligneo iacere: ut, quoties in eo iaces, memineris primi lapsus, quem in primo ligno fecisti; & simul Crucis Dominicæ, per quam in ligno redemptionem inuenisti.

Eadem
forma.

Crux & lectulus in eadem forma conueniunt. Crux ita construitur & componitur, ut, quisquis inheret Crucis, caput erigat, corpus deprimat, extendat manus & brachia, pedes colligat. Quotusquisque in lecto cubat, ad hanc formam se componit; eleuat in altum caput, dimitit corpus, explicat manus & brachia, pedes coniungit & copulat. Cùm S. Patriarcha Jacob in lecto suo moreretur, scriptum de eo legimus Genes. 49. Collegit pedes suos super lectulum, & obiit: appositusque est ad populum suum. Hic idem ipse est, qui Genes. 47. vicinus iam morti, mortis & vitæ Dominum veneratus in lecto est: Adorauit Israël Deum, conuersus ad lectuli caput. Qualis hæc adoratio fuerit, scribit & describit Apostolus cap. 11. ad Hebræos. Fide Iacob, moriens, singulos filiorum Ioseph benedixit, & adorauit fastigium virgæ eius. Adorauit Crucifixum lecto affixus, ad formam eius compositus dum extremè laboraret; & instar cœlestis auis quæ pedes contrahit,

hit, ut se sustollat in altum, collegit pedes suos super lectulum, & obiit, appositusq; est ad populum suum.

Crux & lectus in eumdem finem, in eumdem scopum ^{Idem finis.}
collimant. Hic lectuli finis est, ut cubantem in se hominem,
somno ac quiete fruentem, admittat & excipiat. Hic idem
scopus sacratissimæ Crucis est. Rogat Ecclesia CHRISTVM:
Indica mihi, quem diligit anima mea, vbi pascas, ^{Cant. 1, 6.}
vbi cubes in meridie. Tunc temporis CHRISTVS cu-
bitum in Crucem iuit; & in Crucis lecto dormiuit. Ego, ^{Psal. 3, 6.}
inquit, dormiui, & soporatus sum. Somnum cepit &
quietem, cum dixerit adhuc ipse: In pace in idipsum ^{Psal. 4, 9.}
dormiam & requiescam.

Quod si Crux & re & nomine cruciatum & tormentum secum præfert; ne hoc ipsum desit lecto, positus in eo. ^{Eadem Fœna.}
æger affligitur & torquetur. Huc pertinet quod afferit
agrotus Jobus: Si dixero: Consolabitur me lectulus ^{Job 7, 13.}
meus, & releuabor loquens mecum in strato meo;
terrebis me per somnia, & per visiones horrore
concuties. *Adde commentarium Ambrosij cap. 2. de Interpellatione Job.* Quid ærumnosius, cum ipse lectus
communem ad quietem datus, graue vulnus infligat? Tunc enim solemus, quod fecimus, recordari,
& factorum stimulis compungitur interior conscientia. Vnde & Scriptura ait: Quæ dicitis in cordibus vestris, in cubilibus vestris compungimini. Remedium
quidem dedit, sed tamen conscientiam vulnerauit.

Confi-

Constitutus in lectulo suo Dauid vulneratum se sentiebat & gemebat : Laboraui, inquit, in gemitu meo, lauabo per singulas noctes lectum meum : lacrymis meis stratum meum rigabo. Considerandum hunc lectum laboranti & agrotanti proponit Chrysostomus Orat. i. de Lazaro: En ostendo tibi lectum beati Dauid. Qualis igitur erat ille ? Non argento & auro , sed vndique lacrymis & confusione exornatus. Hæc ipse fatetur de se loquens: Lauabo per singulas noctes lectum meum.

En ostendo tibi, noue Dauid, lectum doloris , & simul honoris, secundum mensuram Crucis ; vt cognoscas quanta sit paritas & aequalitas inter Crucem passionis & lectulum ægritudinum, quæ spinarum instar pungunt. dicitque propterè Rex : Conuersus sum in æruinna mea , dum configitur spina. Ex acutissimis spinis fabrefacta est Christi corona , & ex acutissimis morbis fabricatur gloriosum diadema infirmorum. Qui certat in agone , non coronatur , nisi legitimè certauerit. Certa in Cruce , certa in lecto , cum Crucifixo & Crucifixis ; quorum Emblematicæ imagines conditionis status tui & simul officij monebunt, & ostendent eam esse virtutem mirandam patientiæ , quam agens de eruditione Principum describit S.Thomas: Patientia, inquit, malis omnibus dominatur, omnia seruiunt ei, etiam mors ipsa.

EMBLEMATVM SACRORVM
S A N C T V A R I I
INSTRVCTIO PARTICVLARIS
PRO HEBDOMADA TERTIA ET QVARTA
SPIRITALIVM EXERCITIORVM.



OST QVAM S. Patriarcha Ignatius pri-
mam & secundam septimanam sanctorum
Exercitiorum considerationi creationis, vtae
& miraculorum Christi accommodauit, ter-
tiam hebdomadam mysterijs Crucis & pa-
tientiae Redemptoris applicauit. Huc etiam pertinent sacra
Emblemata tripartiti Sanctuarij, cuius prima Pars est de
Christo Crucifixo, & Superioribus Crucifixis; in quorum
martyrio, præ ceteris Crucifixis, stigmata passionis Domini-
cæ maximè splendent. Accedit glorioso Regi Crucifixo, &
ceteris eius sociis, cælestè præmium ad singulas eorum Cruces
expositum, quod palmis atque lauris exornatur. Hoc pacto
Sanctuarium Crucis passionis & lauro resurrectionis Chri-
sti respondet, & consequenter tertie & quartæ hebdoma-
dæ spiritualium Exercitiorum correspondet. Habebunt ita-
que Antistites in prima Parte Sanctuarij Praefules, & Pra-
latos Crucifixos; quorum magisterio edocti, utramque se-
ptimanam transigant, & perficiant.

Secunda Pars de subditis Crucifixis est; qui adhærentes
Regi suo, dicunt singuli quod S. Ignatius dixit in Exercitio
regni Dei: Audiam, inquit, Regem loquentem ad om-

nes

nes subditos. Quicunque me comitari velit, paratus
sit oportet non alio vti vietu, vestitu, rebusque aliis,
quam me vtentein conspexerit. In iisdem quoq; la-
boribus, vigiliis & casibus ceteris mecum persisten-
dum erit, vt particeps fiat victoriæ & felicitatis vnus-
quisque, prout laborum & molestiarum socius existi-
terit. Subditi sunt quibuscum loquitur Christus, et de qui-
bus Pars secunda Sanctuarij sermonem facit, quatenus ad
vocem glorioſi Regis se parant ad crucem & passionem to-
lerandam; vt sibi regnum Dei promerentes, cum Christo in
gloriam resurgent. Hic scopus tertiae & quartæ septimanæ
est, et hic ipſe est secundæ Partis Sanctuarij. Verum enim
nemo cum Christus cœleſte regnum paruolorum esse dixe-
rit, in Exercitio diuini amoris ad illos etiam glorioſi Regis
fermo tamquam ad subditos dirigitur; et ipſi etiam vo-
cationem eius & crucem pariter sequuntur, vt in fine hu-
ius secundæ Partis ostenditur. Habebunt itaque subditi
viri viros, pueri pueros, qui in passione & resurrectione
Christi eos instruant, & informent.

Tertia Pars virginibus, viduis, & coniugatis feminis
Crucifixis conuenit; vt feminas pias, & sui profectus spi-
ritualis studiosas, in sacris Exercitijs instituant. Non solum
viri, sed etiam feminæ ad usum spiritualium Exercitorum
admitti debent; & admittuntur cum magno suarum ani-
marum commodo, vt ipsa experientia testatur. Absit, vt illæ
arceantur ab Exercitiis spiritualibus, cum feminæ fuerint
priùs in Oratorio, et nunc in Sanctuario, quarum magiste-
rio viri etiam mystici ducuntur, & se laudabiliter exercent.
Habebunt itaque mulieres propriæ suæ conditionis magi-
stras virgines, viduas, & coniugatas; sed potissimum glo-
riosam

riosam Reginam Mariam, ut instruantur, & moneantur
sui officij, & eius obseruatione beneficium promissæ resur-
rectionis acquirant. Hic finis tertiae & quartæ hebdoma-
dæ est; & idem omnino est Partis tertiae, in qua per spe-
cula passionis & patientiæ feminæ vocantur & inuitantur,
ut seipsas ad exemplum gloriose Regine Mariæ componant,
& ornent.

Accedit tertiae Sanctuarij Partis Appendix de septem
extremis verbis Christi morientis, quæ S. Ignatius in fine
tertiae hebdomadæ spiritualium Exercitiorum non minus at-
tentis quam deuotis auribus excipit: Effatus est, inquit,
Dominus in Cruce verba septem: orans videlicet pro
crucifixoribus: latroni parcens: Matrem & Ioannem
sibi mutuò commendans: exclamans, SITIO, quan-
do aceto eum potauerunt: & deinde se à Patre dicens
derelictum: posteà, CONSUMMATVM EST: ac po-
stremò, PATER IN MANVS TVAS COMMENDO SPI-
RITVM MEVM. Hic finis loquendi Christi, & hic exitus
tertiae hebdomadæ passionis, in qua patiens se exercet, &
virtus patientiæ exercetur. Hæc ipsa extremos Christi ser-
mones audit, & excipit coronata, ut vacantes exercitationi-
bus sacris moneat repositam esse coronam iis, qui Christo lo-
quenti obedierint usque ad ultimam vitæ metam; & unus-
quisque eorum factis ipsis declarauerit, quod promisit in
Exercitijs S. Patriarcha Ignatius, & perfectissimè impleuit.
Quid promiserit ipse, declarat in Exercitio illo diuini amo-
ris: cum enim attentam & piam aurem applicuissest gloriose
Regi loquenti cum suis subditis, ut ad sui Regis exemplum
per crucem & passionem componerentur ad gloriam resur-
rectionis, offert se ex animo I E S V socium, & dicit: En, ô

Rex supreme, & Domine vniuersorum, ego, licet in -
dignissimus, fatus tamen gratia & ope tua, me tibi
penitus offero coram infinita bonitate tua, nec non
in conspectu gloriosæ Virginis matris tuæ, ut quām
possim proximè te sequar, & imiter in ferendis in-
iuriis & aduersis omnibus.

*Affonat in omnibus Sanctuarium tertiae & quartæ heb-
domadæ spiritualium Exercitiorum: in quibus, pro composi-
tione locorum, proderunt imagines Crucifixi Regis, &
aliorum; pro punctis meditationum & considerationum,
expositiones quæ ex sanctis Patribus & eorum libris ad-
ducuntur; pro diuersitate colloquiorum, varie diuersæque
orationes, quæ in hoc Opere formantur, & enuntiantur.*

Quod si primæ & secundæ hebdomadæ Exercitia exi-
gunt, ut qui in illis se occupat, benè habeat & valeat; ter-
tia & quarta septimana, in quibus Christus languet, & post
languorem resurgit, non dedecent eos qui affixi lecto
decumbunt morbis & doloribus afflictati, & sperant, non
tam virtute Medicorum, quām ope diuinâ fore se tandem
surrecturos. Unde fit, ut Sanctuarium Crucis & patien-
tiæ in gratiam laborantium & ægrotantium, sit etiam spi-
ritualiter se exercentium, cum morbis corporalibus diue-
xantur. Hæc itaque Exercitia sanis & aegris, benè & malè
habentibus hominibus utilia sunt. Cum enim Ambrosius
1. ad Timoth. 1. affirmauerit, Non sine merito est, qui
cogitat de bonis viris, qui languens de Christo languen-
te cogitauerit, & qui liber à morbo & è lecto surgens de
Christo resurgentे fuerit meditatus; indubie non erit sine
magno merito, cui par apud magnum Deum respondeat spi-
ritale & corporale præmium.

SACRI

S A C R I
S A N C T V A R I I
C R V C I S
E T
P A T I E N T I A E
P A R S P R I M A
D E
S V P E R I O R I B V S C R V C I F I X I S
E T C R V C I F E R I S.

Figura C R V C I S vbiique inuenitur, apud P R I N-
C I P E S , apud subditos , apud mulieres.
Chrysostomus, Quòd Christus sit Deus.

A



I M A G I N E S
 E M B L E M A T I C Æ
 P A R T I S P R I M Æ
 S A C R I S A N C T V A R I I.

Regis glorioſi Crucifixorum & Cruciferorum.

S. Petri Apostoli.

S. Andreae Apostoli.

S. Philippi Apostoli.

S. Bartholomaei Apostoli.

S. Simeonis Episcopi.

S. Sixti Papæ.

S. Macarij Patriarchæ.

S. Nestoris Episcopi.

S. Astij Episcopi.

S. Petri Episcopi Damasceni.

S. Clementis Episcopi.

S. Liberati Abbatis.

S. Paphnutij Abbatis.

Sanctus Laurentius Iustinianus
cap.8. de Obedientia.

Proferatur nunc in publicum Dei & hominum Mediatoris exemplum : in quo siquidem, tamquam in præclarissimo speculo, Obedientia fulget imago, veraq[ue] subiectionis forma conspicitur.



1. Quæ fuerat seges opprobrij, post funera, CHRISTE,
Crux tibi, crux alijs, crux sibi facta decus.



SACRI SANCTVARII
 CRVCIS ET PATIENTIÆ
 EMBLEMATICA IMAGO I.
 GLORIOSI REGIS CRVCIFIXI
 EXPLICATA.

PRIMA & primaria effigies Sanctuarij Crucis & Patientiæ crucifixum ^{Rex & Artifex gloriōsus diuina obedientia.} Christum exhibit, qui, immimente iam passione, dum oraret, declarauit velle se propter obsequiuim & obedientiam immolari. Quid aliud nisi obedientiam eius oratio sonabat? Pater, inquit, si vis, transfer calicem istum à me: verumtamen non mea voluntas, sed tua fiat. Cessit ex voto mors; decessit ex obedientiâ. Humiliauit semetipsum factus obediens usque ad mortem, mortem autem Crucis. Gloriosus diuinæ obedientiæ Artifex, in cuius elogium & vaticinium dixit & prædictum Isaias: Radix Jesse, qui stat in signum populorum. Victor in Cruce stat de prima inobedientia triumphans.

Hoc opus nostræ salutis ordo depoposcerat,
 Ut medelam ferret inde, hostis unde læserat.

Crux

Matth. 27, 33.
 Marc. 15, 21.
 Luc. 23, 26.
 Joan. 19, 17.
 Luc. 22, 42.

Philip. 2, 8.

Isai. 11, 10.

Crux CHRISTI, Crux obedientiæ.

*Crux obedientia instrumentum artis
benè vivendi.*

Luc.9,23.

Præxit glriosus Rex, qui & dicit de se : *Si quis vult post me venire, abneget semetipsum, & tollat Crucem suam quotidie, & sequatur me.*

Hebr.5,8. Mysterium magnum hoc est, quod cum glriosus Rex suam Crucem baiularer, Simon Cyrenæus adiutor fidus accesserit. Nomen *Simonis* significat obedientem; & obediens associatus adunatusque cum Christo vnam & eamdem Crucem gestat. *Et quidem cum esset Filius Dei, didicit ex iis quæ passus est, obedientiam: & consummatus, factus est omnibus obtemperantibus sibi, causa salutis æternæ.* Gloriabatur in excelsa Cruce Paulus imitator Regis glriosi: de quo Cyrillus libro 11. in Ioannem cap.23. *Imitabatur Christum Paulus, non in quantum est Creator Dominus rerum omnium (impossibile namque est homini, & omni creaturæ, quidquam ex nihilo producere) sed in quantum mirabilem vivendi illius disciplinam tamquam exemplar (ut homini possibile atque fas est) in seipso transspingebat.*

Excitatio laborantis.

Crux CHRISTI, Crux ægrotantis.

*Instrumentum artis
benè moriende.*

CHRISTVS in lecto Crucis iacens, ex mando to æterni Patris infirmum hominem egit. *Quemadmodum per lignum noster casus fuerat excogitus;*

tus ; sic per lignum à casu renouati cælestia bona accipimus, cùm ipsius quasi ægritudinis initium propter nos in seipsum Christus lustrauerit. Ita Cyrillus lib. 12. in Ioannem cap. 29. Hic æger, pauper & egenus est, quem David ex placito Dei decumbenti ægro contemplandum proponit : *Beatus qui intelligit super egenum et psal. 40. 1. pauperem, in die mala liberabit eum Dominus. Dominus conseruet eum, et vivificet eum, et beatum faciat eum in terra, et non tradat eum in animam inimicorum eius. Dominus opem ferat illi super lectum doloris eius : uniuersum stratum eius versasti in infirmitate eius.* Ad huius hominis pauperis, & gloriosi Regis speculum, componebat se iacens in doloris lecto Augustinus, cùm Epist. 149. scriberet Profuturo : *Secundum spiritum, quantum Domino placet, utque ipse vires præbere agrotas in.* dignatur, ratione sanus, corpore autem in lecto sum. Nec enim ambulare, nec stare, nec sedere possum, dolore ac tumore percussus. Sed etiam sic, quoniam id Domino placet, quid aliud dicendum est, nisi quia rectè sumus. Rectè habet in extremis cultor diuinæ obedientiæ. Cùm Ioannes Abbas totus hilaris obiret, dicebat : *Numquam feci propriam meam voluntatem, nec aliquem docui quidquam quod ego prius ipse non fecerim.*



*Regit, leuat, et coronat,
Patientem ouem Agnus Eucharistiae.*

Leuamen laborantis & ægrotantis.

Rex gloriosus ante sacrum Paschæ diem, quo Crucis passionem & mortem ex Patris æterni præscripto subiturus erat, seipsum immolauit in altaris Sacramento, cuius epulo ac potu mirabiliter se refecit, mirum in modum se recreauit. Delectatus tanti mysterij dulcedine ac suavitate, totus animosus & alacer ad tolerantiam crucis ac mortis se accinxit, & suos simul Crucifixos atque Cruciferos præmuniuit. Hic est ille Rex gloriosus, qui suos afseclas

seclas ad passionem crucis vocat: *Si quis vult post me Luc. 9, 23,*
venire, abneget semetipsum, & tollat crucem suam quo-
tidie, & sequatur me. Et ut suauem ac leuein cru-
 cem reddat, inuitat Agnus ad sui communicatio-
 nem: *Venite ad me omnes qui laboratis, & onerati estis,* Matth. 11,
28.
& ego reficiam vos. Tollite iugum meum super vos, &
discite a me, quia mitis sum, & humilis corde: & inue-
nietis requiem animabus vestris. Iugum enim meum suave
est, & onus meum leue.

Honor alit artem benè viuendi & moriendi.

Secundum mensuram regulæ, in qua cum oue
 pingitur & conuenit altaris Agnus, corona au-
 rea & aureola debetur, & exhibetur; quæ præcessit
 anteà in typo mensæ antiquæ tabernaculi, & eius
 structura demandata Moysi est Exod. cap. 25. Facies
 & mensam de lignis Setim, habentem duos cubitos longi-
 tudinis, & in latitudine cubitum ac semissem. Et inaurabis
 eam auro purissimo: faciesque illi labium per circuitum,
 & ipsi labio coronam interrasilem, altam quatuor digitis;
 & super illam, alteram coronam aureolam.

Honor coronæ aureæ & aureolæ alit artem benè
 viuendi & moriendi, & excitat in primis cultores
 obedientiæ atque patientiæ, vt, si velint coronari
 cum Agno in regno cælesti, non otientur, sed præ-

2. Tim. 2, lientur. *Non coronatur nisi qui legitimè certauerit.* Non
Corona aurea. coronabitur aureo diademate visionis ac fruitionis,
 nisi quis iuxta sacratæ legis præscriptum sub signis
 militaribus Crucifixi decertauerit. Excitet igitur au-
 rea corona corda & animos Crucifixorum , simul
 & Cruciferorum, quibus illa propter virtutem obe-
 dientiæ & patientiæ promissa est , ad cruentum &
 incruentum certamen tentandum & prosequen-
 dum. Cultor Crucis CHRISTI , eius obedientiæ ac
 Galat. 6, tolerantiæ, dicebat Paulus: *Mihi mundus crucifixus est,*
 14. & ego mundo. & hic ipse magnos animos concipie-
 bat, cùm subiungeret : *Reposita est mihi corona iustiæ.*
 2. Tim. 4, Hæc quidem aurea corona decreta legitimè certan-
 8. tibus , cum morbis etiam & morte ipsa luctantibus
 sancita est.

Aureola. Præter hanc primæ & primariæ beatitudinis glo-
 riæ est & alia secundaria & accessoria illustratio
 Eccli. 45, glorioſæ aureolæ , sacris Martyribus destinata. *Glo-*
 14. *ria honoris , & opus virtutis.* Accedit gloriæ honoris
Merces
obedien-
tia. aureæ scilicet coronæ , opus virtutis , cuius gratiâ
 debetur & exhibetur aureola. Vbi martyrium , ibi
 meritum coronæ & corollæ aureæ est. Crux qui-
 dem obedientiæ, præsertim Religioſæ , secum mar-
 tyrium importat , quemadmodum Serm. 12. Tho-
 mas à Kempis aduertit : *Potest quilibet in ordine et sta-*
tu

tu suo religiosè & deuotè viuendo palmam martyrij obtinere, si obedientiam vsque ad mortem exemplo CHRISTI custodit, si beneplacitum Dei seetatur, & suum velle relinquit. Referat anima Crucifixum obedientem propriæ voluntatis abnegatione, vt eundem Martyrum Regem referat coronatione. Hæc qualis & quanta sit in excelso Crucifixorum & Cruciferorum Rege, Ambrosius Serm. 15. in Psalm. 118. commemorat : *Quæ est corona qua coronatur CHRISTVS, nisi corona gloriae? Ioseph coronam habuit castitatis, Paulus iustitiae, Petrus fidei. Singularum virtutum coronæ sunt. Solus IESVS CHRISTVS habet coronam gloriae. In hac corona omnes coronæ sunt, quia gloria non partis unius coronæ, sed præmium omnium coronarum est.*

Hinc efficitur, coronæ aureæ & aureolæ diuisio-
nem adstruendam in CHRISTO non esse, cùm ce-
teras glorias contineat sola corona, qua ornatus &
insignitus regnat & triumphat in cælis. Hæc vera
sacræ Theologiæ definitio est. Tota crux, & non
per partes, incubuit humeris CHRISTI, cuius testi-
fatio est: *Torcular calcaui solus, & de gentibus non est* Isai. 63, 3. *vir mecum, cui non per partes, sed tota corona gloriae* debebatur. Hic ipse ad partem crucis obedientiæ
suæ accersiuit Simonem, virum scilicet obedientem,
passionis & glorificationis suæ consorteum. *Jam tro-*

*Aureola
gloriosum
Regem non
debet.*

*phaeum suum, vt ait Ambrosius lib. 10. in Luc. cap. 19.
Victor attollat. Crux super humeros imponatur, vt tro-
pheum, quod sibi Simon siue ipse portauit, & CHRISTVS
in homine, & homo portauit in CHRISTO. Et bonus or-
do nostri prefectus est, vt prius trophya ipse erigeret, de-
inde Martyribus traderet erigendum, iuxta quod scriptum
est; Tolle crucem tuam, & sequere me. Exclamat hoc
loco Richardus Victorinus, agens de sacrificio Da-
uid: Oquam confidenter Crucifixo adstabit, qui se pro-
pter ipsum ad omnem obedientiam subdit! Cum quanta
conscientiae securitate verus obediens ad thronum gratiae
illius accedet, qui factus est Patri obediens usque ad mor-
tem, mortem autem crucis! Cum quantis trophyis de sta-
dio huius vitae exibit, qui seipsum propter CHRISTVM
penitus abiicit, & alienae seruituti addicit, iuxta Salomo-
nis sententiam, Proverb. 21. Vir obediens loquetur vi-
ctorias.*

Proferatur nunc in publicum sancti PETRI Apo-
stoli exemplum: in ipso siquidem, tamquam in
praclarissimo speculo, veræ humiliationis fulget
imago, & ferentis patienter morbum forma conspi-
citur.



Quid cruce, Petre, opus est? quin pandis sidera Christi
Clauibus? an Christo crux quoq; clavis erat?



EMBLEMATIC A IMAGO II.

S. PETRI APOSTOLI CRVCIFIXI

EXPLICATA.

POST effigiem CHRISTI patientis apparet PETRI crucifixi Imago. Sub Nero-^{Hegesippus.}
ne Imperatore crucis patibulo addictus,^{Metaph.}
nouo modo, noua forma, capite inuer-^{Prudent.}
so pro suo voto ac libito crucifixus est, vt glorio-^{Lipoman.}
sum Regem suum magis commendaret, & efferret,
ac seipsum magis deprimeret. *Vir est imago et gloria* ^{i. Cor. 11,}
Dei. Imago non quærit propriam gloriam, sed eius^{7.}
cuius est effigies: vnde & CHRISTVS ipse, cùm sit
splendor gloriæ & figura substantiæ Patris, asserit,
Non quero gloriam meam. PETRVs viua imago est & ^{Ioan. 8, 50.}
gloria CHRISTI, & illum effert, se verò deprimit,
vt impleat officium suum. Hic est ille magnus Apo-
stolus, qui humilitatem suam cum magnitudine
CHRISTI contulit, & post collationem factam
seruus Domino primas dedit. Præcessit gloriosus ^{Sympathia}
Rex, & inclinato capite tradidit spiritum: suffecit in ^{Christi &}
locum suum ac præfecit caput Ecclesiæ PETRVM, ^{Petri Arti-}
qui se in morte submisit & depressit. ^{ficum hu-}
^{miliatio-}
^{nis.}
^{Ioan. 19,}
^{30.}

C

Crux

Crux PETRI Apostoli, Crux sanctæ humiliationis.

*Crux hu-
miliationis
instrumen-
tum artis
benè vi-
uendi.
Iob 5,7.*

Iob 10,15.

*Excitatio
laboran-
tis.*

Philip.4,

12.

CVm nascitur homo mortalis , ad crucem na-
scitur : *homo nascitur ad laborem* ; nascitur ad
humiliationem, quam ipsa forma nascendi præfert,
& portendit. Cùm ex materno vtero proles fundi-
tur , inuerso capite prodit , vt vel ab ortu suo noue-
rit , more PETRI crucifixi , ferre crucem humili-
ationis , & se totum Deo submittere . Hanc sibi
crucem portandam putabat Iobus , cùm diceret:
*Si impius fuero, vñ mihi est: et si iustus, non leuabo ca-
put, saturatus afflictione, & miseria. Deus miserias &
afflictiones immittit, vt assequamur mysteria humili-
tatis & humiliationis. Quanti verò hæc scientia ha-
benda & æstimanda sit, vel ex hoc perspici potest,
quòd lib.2.de Officiis cap.7. in Pauli elogium com-
mendat Ambrosius. Scio , inquit Paulus , humiliari.
Non ergo indocta humilitas , sed quæ habeat sui mode-
stiam & scientiam, laudi datur, &c. Præclarè ergo dixit,
Scio humiliari, id est, quo in loco, qua moderatione, quo fi-
ne, quo officio, quo munere. Nesciuit Phariseus humiliari,
sciuit publicanus , ideo iustificatus est.*

Quo in loco humiliatus est? Submisit se PETRVS
Romæ , submisit se in parte occidentali Orbis , vt
scientiæ

scientiæ humiliationis , quam in Orientis regionibus à Magistro suo didicerat , præclarum specimen exhiberet. Docuit hanc in Vrbe Romana scientiam, vbi indocta superbia præualebat , & docta Crucis humilitas ignota omnino iacebat.

Qua se submisit moderatione? Seruauit modum, qui seruum decebat Regis ; & summo sibi honori duxit , extremā tanto Principi ostendere submissio-
nem , & dicere cum Dauide , *Vide humilitatem meam.* Psal. 24.
18.

Quo fine ita se subiecit? Subiecit se eo fine Prin-
ceps Apostolorum , vt Rex gloriosus staret , ipse ia-
ceret. Nobilis hæc conditio fidelis ministri est , vt
vel detrimento vel casu proprio incrementum &
statum Principis sui sedulò curet. Cùm Ioannes in
summo esset honore , fidum ministrum agens , fas-
sus est ingenuè , *Illum oportet crescere, me autem minui.* Ioan. 3, 30.
Minuit Ioannes statū suum, vt CHRISTVS cresceret,
PETRVS totum suum statum inuertit & euertit , vt
staret CHRISTVS, nec vimquam à statu suo decideret.

Quo officio ita se depresso? Summum ille offi-
cium Pontificatus exercebat , & officij iure sumimus
ei honor debebatur , cum CHRISTO tamen de pa-
ritate non contendebat, sed in cruce etiam cedebat,
& procumbebat , & quidem merito : teste enim &
iudice Ambrosio lib.10. in Luc. cap.9. PETRVS non

poterat diuinæ constantiam intentionis æquare. Passio Domini æmulos habet, pares non habet.

Quo munere se, inuerso capite, cruci affigi curauit & obtinuit? Ut propria humiliatione Sedi Apostolicæ acquireret & compararet sublimem gloriam, quam supra omnes thronos Imperatorum & Regum obtinet; & ipse sibi summam in cælo exaltationem curaret, & confequeretur.

Magnus hic magister humiliationis est, cuius vox illa habeatur, *Scio humiliari*, & simul docere, quo in loco, qua moderatione, quo fine, quo officio, quo munere oporteat seruari & obseruari disciplina humiliationis.

Crux PETRI Apostoli, Crux ægrotantis.

*Instrumen-
tum artis
benè mo-
riendi.*

Gen. 27.

H.b. II.

21.

1.Pet. 5,6.

27.

H.b. II.

21.

1.Pet. 5,6.

infirma carne laborat. Audiant igitur ægri CHRI-
 S T V M dicentein & clamantein, *Venite ad me omnes,* Matth. 11,
qui laboratis, Onerati estis, & ego reficiam vos. Tollite
iugum meum super vos, & discite à me, quia mitis sum,
& humilis corde. Huius loci Interpres Augustinus li-
 bro de Sancta virginitat. cap.33. dicit: Itane magnum
est esse paruulum, vt nisi à te, qui tam magnus es, fieret,
disci minimè posset? Ita planè. Non enim aliter inuenitur
requies animæ, nisi inquieto digesto tumore, quo magna si-
bì erat, quando sibi sana non erat. Cùm ergo caro huma- Excitatio-
 na morbis afflictatur & humiliatur, spiritus conua- agrotan-
 lescit. Huc pertinet, quod S. Birgittæ lib.6. cap.93.
 legimus, Dei Matrem de filia sibi chara pronuntias-
 se: *Ego Mater Dei, quæ nullam horam sine tribulatione*
cordis transiui in terris, consulo, vt ipsa non erubescat ef-
se humiliis. Ita significari Virgo virginis filiæ voluit
 per sanctam Birgittam: cui post hoc acceptum nun-
 tiuum apparuit B. PETRVS Apostolus, & ait: *Tu es*
noua sponsa Domini & Dei nostri, vade, & quare ab
illa muliere, quam ego dilexi, si forte velit ex toto esse mea
filia. Et illâ requisitâ consentiente, & dicente, *Volo toto*
corde; B. PETRVS ait: *Ego prouidebo ei sicut filiæ Petro-*
nilla, & recipiam eam in custodiam meam. Et statim Domi-
 na illa, his auditis, mutauit vitam suam, et non longè pòst
 cœpit toto vitæ suæ tempore infirmari, donec purgata cum

maxima deuotione tradidit spiritum. Quām esse humiliem voluit Dei Mater, vt se humiliaret vsque ad extremum vitæ terminum; B.PETRVS afflictari semper morbis optauit atque curauit. Sic itur ad astra: sic clauiger æthereus per crucis humiliationem recta in cælum ascendit, & cælestem sibi aditum fecit: &, qui sapiens est, cor suum dabit in similitudinem picturæ, & vigilia sua perficiet opus.

Leuamen laborantis & ægrotantis.

Virtus Eu-
charistia.

REx gloriosus bibit de torrente in via, & dum biberet, ad ima demisit se, & caput suum inclinavit; quod deinde extulit & exaltauit. Hic calix passionis est, & hic ipse in altari consecratur, cuius haustu recreantur ac reficiuntur, qui more PETRI Apostoli deprimuntur & humiliantur. Dictum sibi à CHRISTO in Euangelio arbitrentur, *Venite ad me omnes, qui laboratis, & onerati estis, et ego reficiam vos. Tollite iugum meum super vos, & discite à me, quia mitis sum, & humilis corde.* Humiliationis iugum, alias graue atque molestum laborantibus & ægrotantibus, post Eucharistici Agni refectionem totum dulce ac suaue efficitur. Adeo quippe in sacra Eucharistia CHRISTVS, qui descendit ad ima, vt ex viaticum tollat humiles, & in cælum assumat. Virtus quidem patientiæ

Math. xi.
28.

patientiæ licet hunc habeat effectum , vt quod semel illa depresso-
rit , in cælum euehat , eleuata hæc
virtus est in Agno sacræ Eucharistiæ , cuius vel sola
vmbra , cùm in terra iaceret Elias , eum erexit , & ex-
tulit usque ad apicem montis Oreb , in quo cælestis
sublimitatis cacumen apparebat.

Gloriosum opus Artis Crucis & patientiæ, Aurea & aureola corona.

Avrum , ex quo mensa tabernaculi decoraba- Honor alit
artem be-
nè viuen-
di & mo-
riendi.
tur , & in ea corona aurea & aureola confi-
ciebantur , ex imis terræ visceribus , in quibus na-
tura illud condiderat , extractum erat , & à sua
ipsius origine portendebat se creatum pro iis , qui
& humilitatem & humiliationem amplecterentur.
Vtrainque amplexus est D. PETRVS , & idcircò ap-
posita est *corona aurea super mitram eius , expressa signo* Ecli. 45.
sanctitatis , et gloria honoris. ^{14.} Corona
aurea. Humiliatur priùs aurum ,
quod in summo habetur pretio , & Pontifex aureus
PETRVS priùs in cruce deprimitur , & posteà regno
cælesti donatur , aurea & aureola coronatur . Hic
ipse sermone & exemplo exhortatur : *Humiliamini* ^{1. Pet. 5,6.}
*sub potenti manu Dei , vt vos exaltet in tempore visita-
tionis.* Hanc exaltationem tempore ægritudinis , &
mortis , futuram esse , Apostolus insinuat . Cælestis
illa

*Aureola
humilia-
tionis.*

*Extrema
verba mo-
rientis.*


illa exaltatio erit animæ humiliatæ coronatio. Decorabitur corona aurea , & æmula aureolæ , quæ Martyribus gloriiosis decreta est. Et quidem vera & perfecta humiliatio , quædam species martyrij est, quæ in Rege Martyrum claruit: innotescit & in PETRO, cuius martyrio dedit virtus humilitatis ingressum , progressum , & egressum gloriosissimum post extremam orationem ; quam in mortis suæ articulo fecisse , veterum Patrum historia comimemorat , in hæc verba : *Gratias tibi Domine I E S V , Fili Dei viui, non solum voce & corde ago, sed etiam spiritu quo te diligo, quo te alloquor, quo te interpello, quo te teneo, quo te intelligo, quo te video. Tu mihi omnia & in omnibus, tu mihi totum , & nihil mihi aliud præter te solum , qui es verus Dei Filius , cui cum æterno Patre & Spiritu sancto honor & gloria in cuncta semper sæcula sæculorum, Amen.*

Proferatur nunc in publicum sancti ANDREÆ Apostoli exemplum: in ipso siquidem , tamquam in præclarissimo speculo , spontaneæ oblationis fulget imago , & resignationis in morbis forma conspicitur.



I nunc et spera famam mersare tenebris:
3. Splendet ab infami lux radiata cruce.

D



EMBLEMATICA IMAGO III.

S. ANDREÆ APOSTOLI CRVCIFIXI

EXPLICATA.

SANCTVS ANDREAS Apostolus, cùm Pa- Martyrol.
tris in Achaia mysterium Crucis CHRI- Metaph.
STI sua prædicatione extolleret, à Præsi- Nicephor.
de Ægea sub Nerone Imperatore crucis
suspendio adiudicatus est. Voluntarium & sponta-
neum Sacrificium ANDREAS seipsum in ara crucis
litauit. Exclamauit victima ad aram: *O bona crux,*
quæ decorem ex membris Domini suscepisti, diu desiderata,
sollicitè amata, sine intermissione quæsita, & aliquan-
do cupienti animo præparata, accipe me ab hominibus, &
reddere me magistro meo; vt per te me recipiat, qui per te
me redemit. Hoc holocaustum sublime, quod confe-
cit de se ANDREAS, speculum sacrificij voluntarij
gratissimum Deo fuit, ac proinde canit Ecclesia:
Suscepit Deus ANDREAM in odorem suavitatis. Rectè
Hieronymus Epist. 28. *Aurum deponere, incipientium*
est, non perfectorum; fecit hoc Crates Thebanus, fecit An- Sympathia
tisthenes: seipsum offerre Deo, proprium Christianorum Christi &
est & Apostolorum. Primus ac primarius auctor huius Andrea
perfectæ oblationis extitit gloriosus Rex in sanctæ Artificum
voluntarij sacrificij.

I&iota. 53.7. crucis altari : *Oblatus est, quia ipse voluit.* voluit & ANDREAS sic offerri, sic litari.

Crux ANDREÆ, Crux oblationis sui.

*Crux pro-
pria obla-
tionis in-
strumen-
tum artis
benè vi-
uendi.*

Rom. 12,1.

*Excitatio
laboran-
tis.*

Nemo sine cruce vitam ducit, secum vnuſquisque crucem gestat, in qua ſeipſum ſuo immolet Creatori. Ad hanc immolationē excitat Paulus, cūm ait: *Obſecro vos, fratres, per misericordiam Dei, ut exhibeatis corpora vſtra hostiam viuentem, sanctam, Deo placentem, rationabile obsequium vſtrum.* Hostia viua, sancta & placens vero & magno Deo, nos ipsiſimus, cum quibus Bernardus Sermone de Purificat. agens dicit: *Quid, fratres, nos offerimus, aut quid retribuimus CHRISTO pro omnibus quæ retribuit nobis?* Ille pro nobis obtulit hostiam pretiosiorem quam habuit, nimirum qua pretiosior eſſe non potuit. Et nos ergo faciamus quod poſſumus: optimum quod habemus, offeramus illi, quod ſumus vtique nos ipsiſi. Accedat Auguſtinus libro de Quant. anim. cap. 28. *Vellem ut nihil aliud ageam, quām reddere me cui maximē debeo, atque ita fieri, quod ait Horatius, amicum mancipium Domino.*

Crux ANDREÆ, Crux ægrotantis.

*Inſtrumen-
tum artis
benè mo-
riendi.*

Languebat amore ANDREAS: cumque ille duceretur ad moleſtum crucis lectum, exclamauit,

uit, *O bona crux*, & in ea totum se dedit, totum se obtulit Deo. Dum valet homo, negotiis variis rebusque diuersis distrahitur. Ut se sibi totum recipiat, & de se hostiam viuentem conficiat, morbo tangitur, vocatur ad lectum, ad bonam ducitur crucem, si nouerit, more ANDREAE, de lecto componere altare, & seipsum in ægritudine sua patienter & hilariter immolare. *Quisquis* sponte se ita immolat Deo, tollit à cruce & lecto quod graue & onerosum est, iuxta Aphorismum Saluiani lib. i. de Prouid. *Infirmitates*, inquit, *non sunt onerosæ tolerantibus, sed tolerare nolentibus.* *Siue enim grauia hæc, siue leuia, animus tolerantis* facit. *Quisquis* animo generoso lecto affixus est, sicut & ANDREAS cruci, sciat ^{Excitatio egrotantis.} pertinere ad se, quod Epist. 15. scribit ad Olympiad. Chrysostomus: *Scis enim, scis inquam planè, quantæ laudis sit, corporis morbum generoso animo, atque cum gratiarum actione ferre.* Hoc, vt sèpè à me dictum est, Lazaro coronam attulit: *hoc in Iobi certaminibus diabolum dedecore atque ignominia affecit, pugilemque ob huiusmodi patientiam clariorem reddidit.* Admonendi ergo sunt ægri, vt generoso animo ægritudinis suæ crucem acceptent & amplectantur, & quidem cum gratiarum actione, quandoquidem non infertur grauis iniuria ægrotantibus, sed exiinium beneficium con-

fertur. Confirmat Augustinus Tract. de Visit. infirmorum Serm. i. *Eia, inquit, si Episcopatum, aut honorem alium, aut donum aliud, aut sanitatem infirmis optabilem tibi concessisset Deus, nonne omni gaudio illud donum Dei suscepisses?* Certè maiore exultatione, & affetuosiore voluntate, cum gratiarum actione hanc Dei animaduersionem debes vnicam habere, quia *et hoc utilissimum Dei donum est.* Congratulabatur sibi de dono crucis, & luce ipsa splendidius collatum sibi beneficium censebat & iudicabat ANDREAS, cupiensque benefactori suo gratiam facere compensationem, fecit suiipsius odoriferam immolationem. Qui mysticus ANDREAS est, dum laborat & ægrotat, propositam sibi imaginem ante oculos semper habeat, ut cum lecto affixus sit, ad hanc se componat formam, dignam sibi datae infirmitatis concipiat ac formet opinionem, & debitam faciat æstimationem. Quam dum sanus esset, de se inchoarat hostiam Deo salutis offerre, iacens in lecto æger paratus sit animo perficere, ac gloriosè terminare.

Leuamen laborantis & ægrotantis.

*Virtus Eu-
charistia.*

REx gloriosus sponteām immolationem tempore passionis suæ fecit, & perfecit. Ostendit satis clarè, se non trahi ad suam mortem inuitum, cum,

cùm , antequam à Iuda traderetur , seipsum in sacrificium & Sacramentum Ecclesiæ tradidit . Hoc Agni sacrificium & Sacramentum totum voluntarium est , ad cuius communicationem eos , qui vim patiuntur & laborant , vt seipso Deo voweant , allicit & accersit CHRISTVS. *Venite ad me omnes , qui laboratis , & onerati estis , & ego reficiam vos : reficiam & conuertam vos in me , vt sicut tradidi me sponte mea , & adhuc trado , effecti similes mei , voluntariè vestra omnia , & vos ipsos pariter offeratis.* Patientia possessionem adfert animarum. *In patientia vestra possidebitis animas vestras.* & hæc virtus Eucharistiæ ^{19.} _{viaticum.} est , vt quam in possessione sua vir patiens habet animam , eamdem prorsus voluntariè & spontaneè oblatam Deo reddat & restituat.

Gloriosum opus Artis Crucis & patientiæ, Aurea & aureola corona.

Splendebat auro mensa , quæ in antiquo taberna- *Honor alit
artem be-
nè viuen-
di & mo-
riendi.* culo præcessit , & in ea aurea corona & aureola resplendebant. Typus & umbra erat sacri mysterij Eucharistiæ , cuius sacrarium non casu nec sine causa sæpè componitur & ornatur coronis floribus aureis contextis . Coronatur voluntarium sacrificium , vt nouerint omnes , qui spontaneam confidunt

ciunt de se oblationem , adepturos inclytas gloriæ coronas , quibus in cælorum regno decorabuntur. Voluntariè offerebat seipsum Paulus , & dicebat,

2.Cor.9.7. Hilarem datorem diligit Deus, & idem ipse testabatur,


2.Tim.4, 8. Reposita est mihi corona iustitiae. Hæc aurea corona est decreta Apostolo ANDREÆ, cui martyrium gloriosum aureolam reportauit. Candidati utriusque

coronæ voluntarij sectatores CHRISTI, & imitatores ANDREÆ sunt , qui in ipso lecto doloris non coacte, sed spontanè spiritum suum Deo offerunt, sicut obtulit ANDREAS, eiusque imitator sanctus Nicolaus Tolentinas , qui exhalatus animam ad

*Extrema
verba mo-
rientis.*


crucem ait : Salve crux pretiosa, que digna fuisti portare mundi pretium, quod in te quieuit , et sedis, & passionis æstu roseum sanguinem sudauit : ille per te me defendat in hac hora ab hoste maligno.

Proferatur nunc in publicum sancti PHILIPPI Apostoli exemplum ; in ipso siquidem tamquam in præclarissimo speculo fulget imago patientis obstinationem & obdurationem peccatorum & morborum.



4 *Quid mage Caucaseis certantia pectora saxis,
Quam monitis decuit saxa referre pijs?*

E



EMBLEMATIC A IMAGO IV.

S. PHILIPPI APOSTOLI CRVCIFIXI

EXPLICATA.

SANCTVS PHILIPPVS Apostolus Hierapoli in Scythia , imperante Domitiano, crucis suspendium passus est, & ab obstinatis Barbaris saxis obrutus, glorioſo ſuo martyrio finem dedit. Hunc beatum Apostolum CHRISTVS vocauit ad ſe cap. i. Ioan. *In crastinum voluit Iesuſ exire in Galilæam , & inuenit P H I L I P P V M , & dicit ei Iesuſ : Sequere me.* Fidelis affecla CHRISTI , qui per tot rerum discriminata ſtimus Redemptori adhæſit , nec crucifixum deferuit. Graue martyrium PHILIPPI , cui erat acerbior crux , obſtinatio & obduratio hominum perfidorum , quām illud ipsum patibulum cui fuerat condemnatus. Virtus ſacratiſſimi PHILIPPI ſic enituit inter lapides & ſaxa , quemadmodum mansuetudo CHRISTI innotuit , cūm duræ ac diræ genti contra ſe geſtantī , manibusque tenenti lapides dixit , *Multa bona opera ostendi vobis ex Patre meo , propter quod eorum opus me lapidatis ?* Per crucem & lapides CHRISTVM eſt ſecutus PHILIPPVS , ſpeculū tolerandæ obdurationis.

Metaph.
apud Su-
rium , Ni-
cephor. &
Iſidor.

Sympathia
Christi &
Philippi
Artificum
cultura la-
pidum.
Ioan.10,

Crux PHILIPPI Apostoli, Crux obdura- tionis alienæ.

*Crux du-
ros mores
ferentis,
instrumen-
tum artis
benè vi-
uendi.*

*Excitatio
laboran-
tis.*

CRUX obstinatōrum hominū grauissima est, & maximum eius onus robustos humeros exigit. Quamobrem S. Birgitta lib. 4. Reuelat. timens onus, cùm rogaretur à CHRISTO, *Quid turbaris filia?* respondit : *Quia timeo mitti ad induratos.* CHRISTVS ipse, quo pacto ferenda sit ista crux, instruit Birgittam lib. illo 4. cap. 129. concludit tandem : *Ergo, qui desiderat vincere duritiam animalis, sit inflexibilis in operibus discretionis, & constans in timore, & spe adiutorij diuini, & conetur quantum potest, & Deus adiutorium ministrabit, confringendo cor induratum.* Non quidem solum per ignem, sed etiam per Lydium lapidem natura auri exploratur ; nec solum Apostoli & homines Apostolici in fornace tribulationis, sed etiam saxe a obstinatione peccantium dignoscuntur.

Crux PHILIPPI Apostoli, Crux ægrotantis.

*Instrumen-
tum artis
benè mo-
riendi.*

Domestici inimici, sunt quatuor ipsa elementa, ex quibus homo componitur ; suis se humoribus armant, ciuile bellum indicunt & gerunt, affligunt hominem morbo, & lecto affigunt ; nec tamen morbida elementa conquiescunt, dire sœuiunt,

uiunt, naturæ ac medicinæ obstinate relunctantur. Dura hæc conditio est, & cruci PHILIPPI similis, ut vires elementares, quas aluisti, & quibus benefecisti, rebelles omnes conspirent, nec quiescant, donec penitus te obruant, & sub lapide sepulchri condāt. Hanc eamdem ferebat crucem matrona Olympias, cui S. Chrysostomus scribit: *Etiam si domi maneas, lecto que affixa sis, ne propterea inertem vitam ducere te existimes; siquidem iis, qui à carnificibus raptantur, lacerantur, excruciantur, atque extremis suppliciis maculantur, grauiora et) atrociora sustines, nimirum summam huius morbi acerbitatem domestici atque intestini tortoris loco habens.* Quisquis sic vexatur & exercetur, meminerit CHRISTI Domini; in cuius sacra paf-^{Excitatio agrotan-}
fione petræ scissæ sunt; ut ostenderet virtutem patientiæ suæ petris & saxis fortiorem, cui lapides ipsi cefserunt. Saxa quidem fracta sunt, CHRISTI verò patientia omnino infracta permansit. Meminerit PHILIPPI Apostoli, cuius illæsa virtus lapides læsit & fregit, & ipse victor excessit. Elucet virtus inter diros ac duros dolores, quibus cùm torqueretur in martyrio suo Eleazarus 2. Machab. 6, 30. ingemuit, & dixit: *Domine, qui habes sanctam scientiam, manifeste tu scis, quia, cùm à morte possem liberari, duros corporis sustineo dolores: secundum anima verò propter timorem tuum*

libenter hæc patior. Et iste quidem hoc modo vitâ decessit, non solum iuuenibus, sed et universæ genti memoriam mortis suæ ad exemplum virtutis & fortitudinis derelinquens. Exemplum virtutis ac fortitudinis suæ S.PHILIPPVS reliquit, qui cum saxeis hominibus rem habuit, & tunc perfecit, cùm è viuis victor excessit. Admonendus est æger, vt si mysticus esse PHILIPPVS velit, & secum durè actum tempore vitae fuerit, cùm iam ad extremam metam venerit, à cœpta via & virtute ne degeneret, sed persistat, donec patientiâ suâ, quæ dura ac dira sunt, vincat & perfringat.

Leuamen laborantis & ægrotantis.

*Mritis Eu-
charistia.*

Rex gloriosus Sacramentum suum instituit in memoriam passionis suæ, vt memores nos essemus, fieri in altaris mysterio, quod factum est in Matth. 27, crucis imminolatione. Tunc temporis petræ scissæ sunt, & nunc virtute sanctæ Eucharistiæ duri labores & morbi superantur. Experiuntur Eucharisticam hanc vim, qui accedunt ad Communionem; & vt accedant, CHRISTVS Agnus laborantes & ægrotantes Matth. 11, incitat simul & excitat, dum ait: *Venite ad me omnes, qui laboratis, & onerati istic, et ego reficiam vos.* Accesit Stephanus sanctorum Martyrum Princeps, canitque de eo Ecclesia, *Lapides torrentis illi dulces fuerunt.*

runt. Dura patitur mortalis homo , cùm proximus morti est: & cùm nosset hanc ipsam C H R I S T V S difficultatem , occurrit & succurrit misero patienti; conferens illi Eucharistiam , cuius participatione *viaticum.* despicere non solùm morbum , sed etiam ipsam mortem consueuit post sacri Viatici perceptionem.

Gloriosum opus Artis Crucis & patientiæ,
Aurea & aureola.

Honor alit
artem be-
nè viuen-
di & mo-
riendi.


Licet Eucharistia sacrosancta secum afferat sum-
mam dulcedinem, qua lapides torrentis dulces reddat ; vltérius progreditur , & vt gloriosos efficiat, impetito torrentis lapidibus Stephano aperit cælos; & ostendit Regem gloriæ, primam coronā auream; & simul aureolam, ipsi martyrum Primicerio in regno æternitatis destinatam. *Ecce*, inquit, *video cælos* Aet. 7,55. apertos, & *Filium hominis stantem à dextris Dei*. In quæ verba Richardus Victor. agens de robore patientiæ, monet : *In terris premebatur, & de cælis consolabatur.* *Affligebatur ex illata miseria, afficiebatur ex inolita misericordia, gratulabatur ex inspecta gloria.* Ecce sub uno eodemque tempore videbat inferius unde compateretur, videbat superius unde incundaretur. In hoc eodem statu S. PHILIPPVS erat, medius inter lapides & coronas; & dum pateretur inferius, superius recreabator; imi-

tator


tator Regis Martyrum, cuius regalis titulus in cruce superius eminebat, duin inferius grauiter torquere-tur. Nec quidem sine mysterio, quod cap. 23. in Lu-cam exposuit Beda in hæc verba : *Pulchrè titulus, qui Christum Regem testatur, non infra sed supra crucem ponitur; quia licet in cruce pro nobis hominis infirmitate do-lebat, super crucem tamen Regis maiestate fulgebat.* Su-pe-ri-or sua passione Rex Martyrum, superior tormentis suæ crucis PHILIPPVS erat; erit etiam similis vtri-que æger, dura in lecto doloris, & extra lectum acer-ba patiens, si propositam sibi laboranti & ægrotan-
Aureola. ti aureolam in cælo consideret; & eius considera-tione, quæ in terris dura & acerba tolerat, generoso corde contemnat. Quòd si duros morbos, & mor-te-m ferre, species martyrij est, accedet patiens ad aureolam martyrij: vt qui similis est Apostolo in acerbitate passionis, socius etiam sit in gloria coro-nationis simul cum Stephano lapidato & coronato, cuius vox extrema fuit Act. 7,58. *Suscipe spiritū meum.*

*Extrema
verba mo-
rientis.*

Proferatur nunc in publicum sancti BARTHOLOMAEI Apostoli exemplum; in quo siquidem, tamquam in præclarissimo speculo, fulget imago ferentis iniquum tribunal & morbum.



Diripite exuuias : melior me vita moratur.
5 Sic colubro, posita pelle, iuuenta redit.



EMBLEMATICA IMAGO V.

S. BARTHOLOMÆI APOST. CRVCIF.

EXPLICATA.

BN maiore Armenia sub Astyage Rege ^{Martyro-}
BARTHOLOMAEVS Apostolus pro de-^{log.}
 fensione Catholicæ Fidei primùm virgis ^{Iosephus}
^{apud Me-}
^{ta h.}
 cæsus, deinde cruci affixus, & in ea, cùm
 adhuc viius esset, pelle nudatus, tandem capite
 plexus, in cælum migravit. Hic ipse Apostolus est,
 cuius mandato coactus Astaroth confessus est, so-
 lere se pellem corporis tangere & lædere, donec ho-
 mo pro valetudine perdita superstitiosa fecerit vota.
*At ubi pro corporis sui salute sacra fecerit, inquit, ab af-
 flictione desistimus, quod illius animæ dominari incipiamus.*
 Hanc dæmonis conditionem detexit BARTHOLO-
 MAEVS, qui maluit tota pelle carere, quam dæmo-
 ni sacrificium offerre, & suam animam in eius im-
 perium transferre. Pelle nudatus est, apparuit spe-
 culum mystici serpentis instar, & quidem in ligno
 crucis, ut referret IESVM CHRISTVM, qui & dicit de
 se, *Sicut Moyses exaltauit serpentem in deserto, ita opor-
 tet exaltari filium hominis.* Deus & Dominus æquo
 iure agebat cum patriarcha Iobo, cùm auferret om-

*Sympathia
 Christi &
 Bartholo-
 mai Ari-
 ficum fe-
 renda in-
 iuria.
 Ioh. 3, 16.*

nia bona quæ mutuo dederat , & ille inutuo quæcumque habebat acceperat. Quamobrem accepti

Iob 1,21. mutui memor , amissis iam opibus , dicit : *Dominus dedit, Dominus abstulit, sicut Domino placuit, ita factum est, sit nomen Domini benedictum.* Tentator verò iudicium agebat iniquum , & Deum vrgebat , vt pelle
Iob 2,4. & carne Iobus nudaretur. *Pellem , inquit , pro pelle , et cuncta quæ habet homo dabit pro anima sua : alioquin mitte manum tuam , & tange os eius & carnem , & tunc videbis , quod in faciem benedicat tibi.* Factum puta, tacta est pellis , læsa est caro. Qui sub iniusto Iude ce tangitur, læditur , nudatur & spoliatur , laborem Iobi, crucem CHRISTI, BARTHOLOMAEI Apostoli excoriationem subit ac patitur.

Crux BARTHOLOMÆI Apostoli , Crux iniusti tribunalis.

*Crux tol-
erate iniu-
stitia, in-
strumen-
tum artis
benè vi-
uendi.
Mich. 3,1.
Excitatio
laboran-
tis.*

SVimmæ iniquitatis species extitit , quam Deus in iudicibus Israëlis deprehendit , & simul reprehendit. *Audite Principes Jacob , & duces domus Israël. Numquid non est vestrum scire iudicium, qui violenter tollitis pelles eorum desuper eis , & carnem eorum desuper ossibus eorum ? Ergo cum in subselliis humanis contra fas omne bonis priuatur , nudatur & exco riatur homo , putet se ad crucem BARTHOLOMAEI vocari,*

vocari , & sciat æquum esse iudicem Deum , qui consulit causæ suæ , & illatæ iniuriæ atque iacturæ damna resarciet.

Crux BARTHOLOMÆI Apostoli , Crux ægrotantis.

Certo certius de pelle agitur, cum quis grauem ^{Instrumen-}
patitur ægritudinem. Monet propterea Sene- ^{tum artis}
ca Epist. 102. *Non licet plus efferre quam intuleris : imò*
etiam ex eo quod in vitam intulisti, pars magna ponenda
est. Deponetur tibi hæc circumiecta, nouissimum velamen-
tum tui, cutis. Quòd si sententia mortis feratur , &
executioni mandetur, accidit misero homini , quod
accidit BARTHOLOMAEO , qui & pelle nudatus è
viuis abiit. Deus æquo iure cum BARTHOLOMAEO
egit, Astyages verò iniusto modo processit. Cum
homo corpore exuitur, Deus æquam iuris formam
seruat , auctor verò mortis diabolus iniquè & iniu-
stè agit. Diabolus collimat in spoliationem , Deus
verò in animæ liberationem , cui dicendum : *Justus* ^{Psal. 118.}
es Domine, rectum iudicium tuum. Confert Chry- ^{137.}
stostomus priorem illam iniusti tribunalis crucem,
quæ hominem bonis & fortunis spoliat , cum cruce
morbi & ægritudinis , nec dubitat istam priori cru-
ci anteponere. Laborabat grauiter Olympias , cui

scribens Epist. 4. ait: *Non opibus spoliari, etiam si omnibus prorsus facultatibus quispiam nudetur, res aquæ grauis & acerba est, ut aduersa corporis valetudo. Facultates illæ externæ sunt, & foris manent: salus verò corporis nostri res interna est, & magis propria, ac proinde grauius & acerbius est corporis salute priuari, quam opibus & fortunis spoliari. Quam præstet salus diuitiis, definitum est cap. 30. Ecclesiastici.*

Melior est pauper sanus, & fortis viribus, quam diues imbecillis & flagellatus malitia: salus animæ in sanctitate iustitiae, melior est omni auro & argento: corpus validum, quam census immensus. Non est census super censum salutis corporis. Hic corporeæ valetudinis census, cum homo valet, tenetur in sacco suo; cum verò male habet, quasi aperitur iam saccus. Liquet in sancto Iobo, qui cum iam opes suas amisisset, adhuc diuitias salutis ac valetudinis suæ intra saccum pellis suæ continebat, dixitque propterea satan:

Pellem pro pelle dabit homo pro anima sua. Laborauit & ægrotauit, & ruptus sacculus est, variis conscißis vulneribus. CHRISTVS ipse, qui mortuus est ex infirmitate, disrupta iam corporis pelle, dixit Patri: Concidisti saccum meum, concidisti pellem meam, & circumdedisti me lætitia. Cum quis paulatim deficit, cum quis paulatim moritur, paulatim pelle nundatur,

datur, &, vt corporis spoliationem æquo & forti animo ferat, rogandus Deus, vt qui hominem pelle & carne vestiuit, & data pelle videt à crudeli morte exui, patienti tantam iniuriam succurrat, & de ini-qua morte iustum vindictam sumat. Præsentet se ipse Deo, & ad diuinam eius clementiam excitan-dam sistat se in eius præsentia: ostendat se mysticum BARTHOLOMAEVM, iacentem in crucis lecto audi-um resurrectionis futuræ, in qua pelle nudatus ho-mo renouabitur, ac totus nouus resurget.

Leuamen laborantis & ægrotantis.

Rex glriosus, qui serpentis instar exaltatus est ^{Virtus Eu-}
in cruce, & pelle suam reliquit, vt à sepul-^{charistica.}
chro resurgens refloresceret, in memoriam non so-lùm passionis suæ, sed etiam resurrectionis condi-dit Eucharistiam ad corroborandū eos qui iniuriān
patiuntur, carne & pelle nudantur. Animat eos,
dum ait: *Venite ad me omnes, qui laboratis, & onerati* ^{Matth. 11,}
estis, & ego reficiam vos. Hic glriosus Rex est, qui ^{24.} *Psal. 102,*
facit iudicium iniuriam patientibus, dat escam esurienti-^{6.}
bus. Esca sacræ Eucharistiæ, caro eius est; nec timet
pelle priuari, qui sancto CHRISTI vellere vestitur
atque munitur. Tunc mortalis homo immortalita-
tem esurit, cùm mortalitati renuntiat, & tunc ma-

*ximè esurienti prouidit Deus de sacro Eucharistiae
pabulo ; vt esuriem suam homo , qui pelle carnis
Viaticum. exuitur , auferat & extinguat. Dat escam esurientibus ,
dum viuunt, sed potissimum dum moriuntur.*

Gloriosum opus Artis Crucis & patientiae, Aurea & aureola corona.

Honor alit
artem be-
nè viuen-
di & mo-
riendi.

Psal. 102,
6.

2.Tim.4,
8.

Duo hæc coniunxit Dauid in laudem & elo-
gium summi Dei , vt seruet in iudicando iu-
stitiam, & in curanda alimonia prouidentiam : *Qui*
facit iudicium iniuriam patientibus, qui dat escam esurien-
tibus. Et quidem Paulus à supremo omnium Iudice
coronam suam expectabat : *Reposita est mihi corona*
iustitiae , quam reddet mihi Dominus in illa die iustus iu-
dex. Ergo cùm præcepit Moysi Deus , vt sternet
mensam in tabernaculo fœderis , & in ea coronam
auram & aureolam reponeret , se ostendit prouidum
& æquum , & iustum iudicem , pro iis qui pa-
tiuntur iniuriam more BARTHOLOMAEI , qui con-
tra fas & nefas sua pelle nudatur , suo corio spolia-
tur. Quòd si hoc genus martyrij subit , qui bonis &
vita immeritus punitur atque priuatur , Deum respi-
ciat remuneratorem offerentem compensationem ,
ut similis BARTHOLOMAEO adscribatur eorum nu-
mero , quorum meminit Apostolus , & eorum pa-
tientiam

Aureola
spoliationis
iniusta.

tientiam commendat. *Rapinam bonorum vestrorum* Heb. 10;
cum gaudio suscepistis, cognoscentes vos habere melio-
rem & manentem substantiam. Nolite itaque amittere
confidentiam vestram, quæ magnam habet remuneratio-
nem. Quanta sit remuneratio, tunc temporis planè
 patebit, quando *stabunt iusti in magna constantia aduer-* Sap. 5, 1.
sus eos qui se angustiauerunt, & abstulerunt labores eo-
rum. Interim mysticus BARTHOLOMAEVS, vel cùm
 iniquum tribunal subit, non tam vincitur quàm
 vincit, vt Sermone de S. Alexandro, Euentio & Theo-
 dulo definit in hæc verba Ambrosius: *Quantò plura*
patiebantur, tantò se victoriosissimos credebant: victoria
enim est martyris, iudicium persequenter, sicut scriptum est:
Et vincas cùm iudicaris. Cùm iudicatur enim martyr Psal. 50,
condemnatur, tunc vincit atque prosternit. Tali enim iu-
dicio non est addictus ad mortem, sed absolutus ad re-
quiem, & per hoc manifestissima ratione vivere est, non
periisse.

Primus omnium in ipso iniuitatis iudicio de pon-
 tificali concilio, de Rege, & Præside, iudicatus &
 simul spoliatus Rex Martyrum, triumphum egit,
 & de iniqua morte triumphauit, vt pellem pro pel-
 le dare homo nec recusaret, nec formidaret, quem-
 admodum notat Richardus Victorinus Sermone de
 Paschat. *Homines quælibet patiebantur, ne morerentur.*

Iob 2, 4.

Pellem pro pelle, & omnia dabit homo pro anima sua. Saluator vero voluntariè mortem suscepit, & moriendo mortem destruxit, & sic homines à timore mortis eripuit. Vnde Sancti iam mortem non timent, sed cupiunt dissolui, & esse cum CHRISTO. Ea propter, cùm instar BARTHOLOMAEI carne spoliaretur Laurentius Iustinianus, dixit è lecto suo: Pudeat nos mortem timere, cùm Dominus noster propter nos mori voluerit. Hic iudex noster est, cuius memor agens animam Eleazarus Comes ait: Totum me diuino iudicio submitto.

Proferatur nunc in publicum sancti SIMEONIS Episcopi exemplum; in quo siquidem, tamquam in præclarissimo speculo, fulget imago ferentis senectam & morbum.



E M-



Prisca fides sileat fabulosæ Colchidos artes.

6. Decrepito reparat crux iuvenile decus.



EMBLEMATICA IMAGO VI.
S. SIMEONIS EPISCOPI CRVCIFIXI
EXPLICATA.

SVMMI Pontificis CHRISTI, & sanctorum Martyrolog. Apostolorum, primi & primarij here-Surius. des sunt Pontifices & Episcopi, qui qua-
si hereditario iure, non modo sanctam Ecclesiam gubernandam, sed etiam crucem CHRISTI sustinendam acceperunt. En, vnam & alteram obtinuit in primis Simeon Episcopus filius Cleophae, CHRISTI consanguineus, qui Iacobo fratri eiusdem CHRISTI successit, & secundus ab eo Ierosolymorum Praeful creatus est. Post varios crucia-
tus, Imperatore Traiano, eodem passionis genere, quod CHRISTVS subierat, affectus est; mirantibus omnibus, quod homo aetate confectus (erat enim 120. annorum) acerbissimos crucis dolores constanter pateretur. Consummatus in breui multa tempo-
ra CHRISTVS expleuit, simul iuuenis & antiquus dierum, florem iuuentutis cum senectae infirmitate coniunxit; & ex infirmitate mortuus est, ut infirmos ac debiles senes ad tolerantiam passionis suo exemplo concitaret. Concitauit SIMEONEM,

*Sympathia
Christi &
Simeonis
Artificum
ferenda
senectae.*

bonum senem : qui viris ætate prouectis proponitur
in speculum , vt crucem senectæ ferentes , eiusque
vestigiis inhærentes , CHRISTVM sequantur.

Crux SIMEONIS , Crux senectutis.

*Crux senec-
tutis in-
strumen-
tum artis
benè vi-
suendi.
Psal. 89,
30.*

Senecta res quædam molesta est , & crux ita fa-
stidiosa , vt dixerit Rex Dauid , *Anni nostri sicut
aranea meditabuntur , dies annorum nostrorum in ipsis se-
ptuaginta anni. Si autem in potentatibus , octoginta anni:
amplius eorum , labor & dolor.* Nulla quidem ætas sine
labore est : laboriosæ ætates sunt infantia , pueritia ,
iuuentus , & senectus ; ad quam crucem , quasi per
quosdam gradus difficiles ac molestos , ascenditur.
Augustinus lib. II. de Verbis Domini Serm. I. & li-
bro 50. Homiliarum , Homil. 22. *Quia mortales sumus ,
inter casus ambulamus ; si vitrei essemus , minùs casus ti-
meremus. Quid fragilius vase vitro ? Et tamen seruatum
durat per saecula. Etenim si casus vitro timetur , senectus
ei & febris non timetur. Nos ergo fragiliores & infirmio-
res sumus , quia & casus omnes , qui non cessant in rebus
humanis , fragilitate utique nostra quotidie formidamus.
Etsi ipsi casus non accidunt , tempus ambulat , vitat homo
ictum ; numquid vitat exitium ? Curandum vero seni
est , vt suæ senectæ crux egena fructuum non sit.
Habeat præ oculis SIMEONEM , & simul senescen-
tem*

*Excitatio
laboran-
tis.*

tem iam Augustinum , & secum loquentem lib. de Duodecim abusion. cap.12. *Plus omnibus*, inquit, religioni dare operam senibus competit, quos præsentis sæculi florida ætas transacta deseruit : sicut namque in lignis ipsa reproba arbor comparet, quæ post flores fructus cultori suo non exhibet ; sic & in hominibus reprobis est, quem flos iuuentutis deseruit; & tamen in sui corporis senectute bonorum operum fructus proferre parui pendit.

Crux SIMEONIS, Crux ægrotantis.

Senectus ipsa morbus est , ac proinde prouectus Instrumentum artis benè moriendi. ætate vir tunc incipit malè habere , cùm senectutem ingreditur. Quòd si posteà contraxerit ægritudinem , illa ætatis morbo accedit , non succedit. Accessit SIMEONI noua crux , sed non successit. Et quidem Paulus in senio suo dicebat: *Ego enim iam delibor, & tempus resolutionis meæ instat.* Libandus in martyrio Paulus erat, qui iam in senio suo delibabatur.

Sub veste lacera & fracta corpus validum & robustum est , & sub carne annosa & trita, quæ vestis Excitationis agrotaxis. instar est animæ , fortis ac vegeta anima existat , vt prouectus ætate senex lecto affixus agat mysticum SIMEONEM , qui senectutis canis floruit , & fructus gratos crucifixus protulit , & obtulit. Quisquis præ nimia senectute laborat , & affixus lecto iacet, habet quò

quò conuertat oculos suos, & vnde se in senecta sua soletur. Contempletur SIMEONEM non solùm decumbentem in crucis lecto, sed cruci CHRISTI incubente, atque dicentem : *Virga tua, et baculus tuus, ipsa me consolata sunt.* Cùm pueris & iuuenibus crux CHRISTI virga quædam leuis sit, & senibus iam ætate proiectis fortis baculus, cui innitantur, existat, discat qui confectus senio iacet, non solùm crucem suam cum CHRISTO ferre, sed etiam eisdem cruci inniti, & loco baculi vti, vt quod vitæ lassæ ac fessæ reliquum est, perficiat. *Cor suum dabit in similitudinem picturæ,* considerabit imaginem crucifixi SIMEONIS; ad eius exemplum se componet, & patientiâ suâ cursum vitæ suæ conficiet.

Leuamen laborantis & ægrotantis.

*Virtus Eu-
charistie.*

REx gloriosus primos omnium participes Sacramenti sui Presbyteros facit; & Presbyter est, qui Missarum solemnia celebraturus in ingressu altaris dicit: *Introibo ad altare Dei, ad Deum qui lætitiat iuuentutem meam.* Hæc vis venerabilis Sacramenti est, vt Presbyteris, ac senibus annis ac laboribus oneratis, animos iuueniles afferat. Cùm ergo CHRISTVS ad Corporis & Sanguinis sui pretiosum libamen pariter omnes vocat, *Venite ad me omnes, qui laboratis,*

*Matth. 11,
28.*

boratis, & onerati estis, & ego reficiam vos, seniores in primis accersit, ut tanti virtute Agni resuscitantes ac iuuenescant. Accede Presbyter, accede senex ad Sacramentum, & renouabitur ut aquilæ iuuentus tua. Psal. 102.
Aquila in altum volat; & anima, quæ ex vi Euchari-^{s.} stiæ renouatur, post sumptionem sacri Viatici sublimem edit volatum, & ad cæli cacumina ascendit.


Gloriosum opus Artis Crucis & patientiæ,
 Aurea & aureola corona.

Constituit Deus in tabernaculo plenam pani- *Honor alie-*
bus, ornataim coronis & corollis aureis men- *artem be-*
sam, imaginem altaris summi, quod Presbyteris & *nè iuuen-*
senioribus commissum est, ut non solum tractent *di & mori-*
de mysteriis Eucharisticis, sed agant de coronis et- *endi.*
iam aureis, quæ sanctæ & venerabili ipsorum sene-
ctuti sunt decretæ. Quòd si senecta grauis est, acer- *Exod. 25.*
bo martyrio non absimilis, meminerint esse senio-
res, quos insignitos aureis coronis antiquo dierum
C H R I S T O assidentes cap. 4. Apocal. contemplatus
 est Ioannes: *Et in circuitu sedis sedilia viginti quatuor,*
& super thronos viginti quatuor seniores circumambicii sto-
lis albis, & in capitibus eorum coronae aureæ. Deus, qui
in singulis ætatis gradibus coronare voluit homines,
ætatis singulorum varios annexuit labores, quo-


rum sancta tolerantia dignos se efficerent cælesti regno. Verum enim uero cum seniores maiore præ ceteris præmio cumulandos præfinisset, maiorem crucem laborum, dolorum & morborum apposuit proiectis & grauatis annis, ut prolixa corum patientia maioris gloriæ coronas adipisceretur. Vnde Bassilius Magnus senex Epist. 71. quæ est ad Alexandrinos, scribit: *Corpus habeo diuturno morbo confectum, ita ut nec è lecto quidem descendere queam.* Cum esset senili morbo afflictatus, solabatur se bonus senex, & alios sibi similes consolabatur, sursum oculos attollens, ubi viginti quatuor seniores regnabant pariter & triumphabant, quorum contemplatione & ceterorum Beatorum recreatus, in eadem Epistola ait: *Expectant nos, fratres, Martyrum corona, parati sunt Confessorum chori, ut manus nobis porrigant, inque numerum suum nos recipient.* Hanc considerationem versabat animo Seraphicus Patriarcha, qui positus in extremitate, extrema hæc protulit verba; *Me expectant iusti, donec retribuas mihi.*

*Extrema
verba mo-
rientis.*

Proferatur nunc in publicum sancti DIONYSII Episcopi exemplum; in quo, tamquam in præclarissimo speculo, forma scientis laborem & infirmitatem conspicitur.



Si nequijt mea lingua satis diuina probare
Dogmata; quod supereft, mors generosa probet.



EMBLEMATIC A IMAGO VII.

S. DIONYSII EPISCOPI CRVCIFIXI

EXPLICATA.

DIONYSIVS Areopagita, diuinus scriptor, Martyr verò diuinior, sub Hadriano Imperatore flagellis Parisiis tunditur, flammis ac feris obiicitur, à quibus non lèditur: mox in crucem attollitur, & inde depositus capite plectitur, quod ad duo millia passuum propriis manibus deportat. Cælestia mysteria, quæ raptus in cælum didicit à cælesti CHRISTO Paulus, hæc eadem à Magistro suo Paulo didicit in terris DIONYSIVS. Qualis Paulus, talis extitit & DIONYSIVS. Licet sublimibus cælorum arcanis imbutus Paulus esset, scientiam tamen CHRISTI crucifixi tanti faciebat, ut quasi immemor ceterarum rerum quas nouerat, nihil aliud se scire nisi CHRISTVM, & hunc crucifixum, fateretur. Fatebatur & DIONYSIVS, qui sola cruce contentus, sacramenta illa sublimia, quibus anteà discendis atque docendis sedulus incubuerat, quasi minimè curaret, crucem CHRISTI solum curat, crucem amplectitur. Amplectitur crucem, in qua Rex ipse glriosus didicit

Surius in
Octobr.
Baronius
tom. 2.

Sympathia
Christi
Dionysij
Artificum
disciplina
laboriosa.
Heb. 5, 8.

ex iis, quæ passus est. Didicit diuinus Rex, Paulum docuit, Paulus diuinum DIONYSIVM instituit & erudiuit: nos DIONYSIVS informat, nos instruit, diuni speculi instar nos componit.

Crux DIONYSII, Crux scientiæ Sanctorum.

Eccle. 1,
18.

Crux scien-
tia Sanctorum
in-
strumen-
tum artis
benè vi-
uendi.

Heb. 12,
11.

Sap. 10,
10.

Excitatio
laboran-
tis.

Heb. 12,
11.

Qui addit scientiam, addit et laborem. Maiori scientiæ maior labor correspondet. Omnes dum viuimus in schola sumus, & rerum cognitiones acquirimus, & non sine magno labore, quemadmodum scribit Paulus: *Omnis disciplina in præsenti quidem videtur non esse gaudij, sed mœroris.* Laboriosa C H R I S T I schola, laboriosa Sanctorum scientia, quæ in vna crucis sapientia & experientia consistit. *Fustum deduxit per vias rectas, et ostendit illi regnum Dei, et dedit illi scientiam Sanctorum.* Bernardus in hæc verba, Scientia, inquit, Sanctorum est, hic temporaliiter cruciari, et delectari in æternum, et in contrarium scientia malorum relabitur. Ergo qui mysticus DIONYSIVS est, & ad culmen arcanæ scientiæ Sanctorum venit, voluptatem non querit, sed dolorem, cum audiat Paulum dicentem: *Omnis disciplina in præsenti quidem videtur non esse gaudij, sed mœroris.*

Crux DIONYSII, Crux ægrotantis.

EX arbore scientiæ boni & mali morbum na-
tura contraxit, & ex illius arboris fructu pri-
mæ corporum nostrorum ægritudines promana-
runt. Nouimus tunc temporis quid morbus esset,
cùm antea nesciremus. Qui iacet in lecto ut labo-
ret, nec cogitat de æternitate, lectum sibi ex illâ ar-
bore construxit, & in eo infirmus iacet. Qui tem-
poraliter cruciatur, & per cruciatus ægritudinis no-
uit se ad æternitatem disponere, Sanctorum scien-
tiam profitetur, & lectum sibi ex arbore vitæ com-
ponit, in quo DIONYSIVS decubuit. Hæc scientia
Spiritus sancti, de qua Bernardus de Septem donis
cap.7. dicit: *Septimum donum est Spiritus sapientiæ, qui-
dam diuinus sapor, ac suauissimus gustus. Unde Psalmi-
sta: Gustate, & videte, quoniam suavis est Dominus. Qui* Psal. 33.9.
*mentem pacificam & serenam habent, de supernis dulcius
sapiunt, & subtilius vident. Nam quò quisque patien-
tior, eò probatur esse sapientior. Unde Salomon* Prover. 9.11.
*viri per patientiam cognoscitur. Consonat sibi Bernar-
dus cap.3. Vera, inquit, scientia est, scire nos mortales,
& caducos, & fragiles esse, & in hoc exilio & in hoc er-
gastulo, in hac peregrinatione, in hac valle lacrymarum do-
lendum & lugendum esse. Laudabilis ab hac scientia
æger*

æger Eudoxius est, ad quem Epist. 118. apud Basilium scribit Nazianzenus in hæc verba: *Benè habet, quòd in afflictionibus philosopharis, multisque factus es exemplar tolerantiae in rebus tristibus; & quemadmodum ad optima quæuis corpore, cùm rectè valebas, es usus;* ita et) nunc illo dextrè vteris, quandoquidem imbecillis cùm sis, non es otiosè, vt ita dicam, otiosus: *philosopharis enim, et quod Diogenem olim febricitantem, inque febrili calore tolerantem dixisse ferunt, hoc et ipse vi-* sendum exhibes cùm in corpore, tum in anima. Collaborabant, & simul ægrotabant D. Bernardus, & vita eius scriptor, & ambo præfatæ scientiæ vacabant. ait enim historiæ auctor: *Infirmi ergo ambo tota die de spirituali Physica animæ conferebamus, de medicamentis virtutum contra languores vitiorum.* Exclamat deinde ipse: *Deus bone, quid mihi boni contulit illa infirmitas, feriæ illa, vacatio illa!* Crux cathedra DIONYSIO fuit, in qua diuinam suam doctrinam perfecit & consummavit; nec quidem sine virtute patientiæ perficere potuisset, cùm sit scriptum Proverbiorum cap. 9. *Doctrina viri per patientiam noscitur.* Ergo qui Pastor & doctor est, cùm iacet in lecto æger, è lecto cathedram construat, & sapientiæ suæ sociam patientiam adiungat, quandoquidem verum est id quod ait Augustinus libro

de Patientia , cap.6. *Patientia est comes sapientiae , non famula concupiscentiae.*

Leuamen laborantis & ægrotantis.

Rex gloriosus , quam scientiam in cruce do- *Virtus Eu-*
cuit, eamdem prorsus in altari suo docet : sed *charistia.*
in cruce plenam afflictione atque dolore , in altari
verò decoratam & ornatam dulcedine ac voluptate,
vt qui socij sunt passionis in laborum & morbo-
rum mœstitudine , socij sint consolationis, quæ da-
tur & capitur in sacrosancta Eucharistia : Ergo , qui
affixi sunt CHRISTI cruci , & discunt ex tormentis
quæ patiuntur , vocantur ad Communionem , vo-
cantur ad Agni consolationem , *Venite ad me omnes,* Matth. 11,
qui laboratis, & onerati estis, & ego reficiam vos. Fru-
ctus crucis Eucharistia est, & cui benè sapis fructus,
placeat arbor necesse est. Hinc sit, vt accepto iam
Viatrico , viri sancti maiore cum affectu deuotionis *Viaticum.*
sacram CHRISTI crucem appetant , accipiant , &
amplectantur.

Gloriosum opus Artis Crucis & patientiæ, Aurea & aureola corona.

Mensa Eucharistica est tota diuina & Thcolo- *Honor alit-*
gica, cuius scopus est reddere Theologos ho- *artem be-*
mines, *nè viuen-*
di & mo-
riendi.

imines , diuinos condere similes planè DIONYSIO , qui diuinum egit Theologum in crucis cathedra , quam viuens & moriens occupauit . Semper egit de maiestate diuina , in quam sacra Theologia collimat . Contemplabatur in martyrio suo Deum , & cognoscebat in eo suam splendere coronam , auream simul & aureolam , cuius forma fuerat fabrefacta in antiquo tabernaculo . Diuinus quidem Theologus patiens est : qui dum patitur martyrium , vel simile quid martyrio , agit de Deo & cum Deo , cui dicit Ecclesia sancta :

*Rex gloriose Martyrum,
Corona confitentium,
Qui respuentes terrea,
Perducis ad cælestia.*

*Aurem benignam protinus
Appone nostris vocibus , &c.*

*Aureola scientia Sancto-
rism.* Corona confitentium est ; & de eius confessione si quis agat , de propria corona agit , cuius contemplatione & expectatione recreatus , labores ipsos non curat , nec sentit ; & si sentit , non ægrè fert ægritudinem . Quòd si lecto affixus , mysticus DIONYSI VS existat , & pacato animo in acerbitate pœnarum se planè gerat , diuinus censendus est æmulus Regis CHRISTI , qui licet infirmitate doleret , maiestate

iestate diuinitatis in eadem cruce eius tormentis & pœnis superior omnino erat. Est ergo vox illa hominum diuinorum : *Quis nos separabit à charitate Rom.8,* CHRISTI ? tribulatio ? an angustia ? an famæ ? an nuditas ? an periculum ? an persecutio ? an gladius ? (sicut scriptum est : *Quia propter te mortificamur tota die : aestimati psal.43,* sumus sicut oves occisionis.) Sed in his omnibus superamus propter eum qui dilexit nos.

Considerabat se humanum esse Dauid , cùm diceret, *Non est sanitas in carne mea*, & deplorans suam miseriā claimaret, *Miser factus sum, & curvatus sum Vers. 7.* usque in finem. Non iam humanum , sed hominem se diuinum deprehendebat , & aiebat , *In Deo meo psal.17,* transgrediar murum. Magister DIONYSI loquebatur vt humanus, cùm assereret , *Infelix ego homo, quis Rom.7.* me liberabit de corporis morte huius ? Loquebatur vt diuinus , cùm affirmaret , *Omnia possum in eo qui me Phil.4,13.* confortat. Mysticus Paulus extitit diuinus DIONYSI , cuius præclarum exemplar datum & visum proponitur ægrotanti , vt nouerit sapienter in Deo obire , & è viuis benè sperans abire. Sic abiit , sic obiit princeps omnium Theologorum , diuinus Paulus , cuius abscissum caput ter IESV nomen pronuntiauit , ter scilicet , in cultum & honorem sanctissimæ Trinitatis , cuius sublimis scientia diui-

*Extrema
verba morientis.*


num reddit Theologum : & vt Theologus imeretur Almarus Abbas , dixit iam obitus ministro: Affer mihi epistolam S. Leonis ad Flauianum ; & cùm legeretur articulus , qui est de Deo trino & vno , exclamauit : *Sic credo , ô Trinitas ineffabilis , ita confiteor Deus omnipotens : ita de te sentio , Fili Dei CHRISTE IESV : sic de te intelligo Spiritus sancte aeternae Deus , atque ita vnum Deum in Trinitate , trinumque in unitate confiteor.* Dixit , & excessit.

Proferatur nunc in publicum sancti SIXTI Pontificis exemplum ; in quo , tamquam præclarissimo speculo , fulget imago ferentis mundi & morbi onus.





Quid frustra infami vis mergere funere vitam ?
8 Non poteram fato nobiliore frui .



EMBLEMATICA IMAGO VIII.
S. SIXTI PONTIFICIS CRVCIFIXI
EXPLICATA.

 Vb Decio & Valeriano Imperatoribus Prudent.
sanctus SIXTVS Papa crucis patibulum Hymno 2.
fubiit. Consule Prudentium Hymno 2.
de sancto Laurentio:

*Fortè hoc Sacerdos dixerat,
Jam SIXTVS affixus cruci,
Laurentium flentem videns
Crucis sub ipso stipite:
Desiste discessu meo
Fletum dolenter fundere,
Præcedo frater, tu quoque
Post hoc sequeris triduum.*

Culmen & apex tiaræ Pontificalis , sicut in effigie proponitur , crux est , & simul testatur , virtute passionis suæ regnum summum , medium , & infimum sibi CHRISTVM comparasse , *vt in nomine IESV om-* Phil.2,10. *ne genu fleatur, cœlestium, terrestrium, & infernorum.* Hoc triplex imperium & regnum , PETRO, SIXTO, ceterisque Pontificibus commissum est : in cuius rei testimonium desinit in cruce in tiara , vt supremum Ecclesiæ

Ecclesiæ dominatum in cruce natum , & sine cruce
sympathia Christi & Sixti Artificum ferendi regiminis Orbis.
Isai.9,6. esse non posse moneantur. Principatus summi Pontificis C H R I S T I crux extitit. *Factus est principatus eius super humerum eius.* Quotquot igitur eius succedunt loco, & ad regimen vniuersale assumuntur, ad regnum & crucem , ad honorem & onus simul vocatos se esse arbitrentur. Sedes Apostolica crux honoraria est , in qua fuit gloriosus Rex , & in qua S I X T V S gloriosus decedit. Pulchrum speculum & Emblema proponitur summi honoris , & grauis oneris. *Minuit laborem ponderis spes præmiorum :* ut Hieronymus Epist. ad Cyrilum scribit.

Crux S I X T I Pontificis , Crux regiminis totius Ecclesiæ.

Crux sancti regiminis , instrumentum artis benè vivendi. *Reg.2,8.* **P**ontificalis tiara crux oneris & honoris est , in quam apprimè cadit illud Chrysostomi Homil.66. ad populum : *Non ita corona caput circumdat , sicut animam sollicitudo .* Tantus quantus orbis est , tanta est sollicitudo Pontificum , quorum humeris totus mundus innititur & incumbit. *Domini sunt cardines terræ , & posuit super eos orbem .* Ne mo melius quam C H R I S T V S nouit , quanti ponderis & oneris esset crux regiminis Ecclesiæ , cui ferendo parem sc solum inuenit : *Factus est principatus eius super humerum*

humерum eius. Secundus à CHRISTO Pontifex nōmen à Petra accepit. *Tu es Petrus, & super hanc pe- tram ædificabo Ecclesiam meam.* Constructa domus non tam est honor, quām onus positi fundamenti, su- pra quod fabrica domus assurgit. Quidni onus Ec- clesiæ graue Pontifici sit, cūm eius rationem red- dere teneatur? *Cui multum datum est, multum quære- tur ab eo;* & *cui commendauerunt multum, plus petent ab eo.* Hinc sæpè accidit, vt ouilis Ecclesiastici Pa- stores summi reddendæ rationi iam proximi, ma- luissent vltimum Ecclesiæ locum, quām primam sede in occupasse.

Matth. 16,
18.
Excitatio
laboran-
tis.

Luc. 12,
48.

Crux SIXTI Pontificis, Crux ægrotantis.

Coronatus S I X T V S apparet, & affixus crucis Lecto: & quidem cūm Pontifex coronatur, leuis quædam stupa comburitur, & alta voce clama- tur, *Pater sancte, sic transit gloria mundi.* Quid ho- mo? quid humana gloria est? leuis quædam stupa est concipiens lumen, & in sumum euangelis. Ac- censa stupa, vita mortalis est: deficit stupa, cūm valetudo deficit; & cūm deficit vita, stupa in fu- sum abit. Interim tamen, more SIXTI, iacens in lecto æger gloriosâ coronâ ornatur, cūm Serimone de Iacob & Esau dixerit Augustinus: *Multi coronati* Excitatio
agrotan-
tis.

sunt in amphitheatro pugnantes ad bestias , multi in lecto
vincentes diabolum coronantur. Iacebat in lecto S. Ba-
silius , & in eo pro corona decertabat , sicut & ipse
Epist.60. declarat : *Sive namque pœnas peccatorum dam-
no , valebunt ad hoc flagella , vt posthaç iram Dei , quæ
imminebat , auertant : sive in certaminibus , quæ pietatis
gratia decertamus , per tribulationes corroboramur , iustis
athlotheta , vt non sinat nos tentari supra id quod ferre pos-
sumus , sed pro toleratis iam laboribus patientie nobis &
spei in ipsum coronam reddat.* Felix æger , qui cum sit
affixus lecto , de regno cæli & eius coronis cogitat.
Haud dubiè qui cum variis morbis luctatur , pro
multis coronis certat , & similis S I X T O euadet.
Quotus quisque seipsum regit , & spiritualiter se gu-
bernat , sibi ipsi , qui parvus mundus est , Rex &
Pontifex est , dignus tiara pontificali , quæ tres co-
ronulas , vt vides , secum importat. Debentur tres
laureolæ Martyribus , Doctoribus , & Virginibus , &
totidem ægris debentur , si patienter se in grauibus
morbis gerant. Quid enim aliud terribilis morbi
tormentum , nisi quædam species martyrij ? Qui
sic torquentur , facros Martyres referunt , & cum
ipsis coronantur. Multi quippe coronati sunt in
amphitheatro pugnantes ad bestias , & multi in le-
cto iacentes diabolum vincentes coronantur. Doctri-

na viri per patientiam noscitur. Vnde efficitur, vt quisquis in lecto patienter se gerat, procedat ita sapienter, vt sibi Doctoratus laureolam promereatur. Quòd si integritas virginalis in virginibus laureatur, laureabitur patientia in ægris, vt euadant perfecti & integri, quales Iacobus desiderat. *Patientia,* Iacob. 1, 4. inquit, *opus perfectum habet, vt sitis perfecti et integri.* Vocatur ad tres laureolas æger, qui mysticus SIXTVS est, quem vt in lecto referat, *Cor suum dabit in similitudinem picturæ.* Ecclesi. 3, 8. 28.

Leuamen laborantis & ægrotantis.

Rex gloriosus toti mundo, cuius potestas in Virtus Eucharistie. manu eius sita est, se in cibum & potum dedit, vt qui totum mundum sustinet, & in eius laborat regimine, recurrat ad CHRISTI Carnem & Sanguinem, cuius virtute tanto oneri ferendo par existat, animo superior euadat. Euadet mundo, & quod amplius est, euadet seipso superior, qui se sanguinum & ægrum epulo sacrosancto Agni refecerit. Hæc est refectione Eucharistiae, quam sumimus & æternus Pontifex offert, cùm dicit: *Venite ad me omnes, qui laboratis, & onerati estis, et ego reficiam vos.* Matth. 11, 28. *Vos, inquam, qui cardines mundi estis, & vestris humeris totum Orbem sustinetis.* Mos est, vt fa-

ciente solemniter iter Pontifice, præcedat venerabile Sacraumentum. Et quidem satis celebre, satisque solempne iter in cælum est, cum decedente è viuis homine, & ad astra contendente, sacra præmittitur *Viaticum.* Eucharistia. Tunc præmittitur, cum sacrum Viaticum percipitur.

Gloriosum opus Artis Crucis & patientiæ,
Aurea & aureola corona.

*Honor alit
artem be-
nè viuen-
di & mor-
riendi.
Exod. 25.
Sap. 18, 24.* **A**nte summi Sacerdotis oculos structa & in-
structa erat in tabernaculo typica Eucharistiæ
mensa, & in ea magna & parua corona, ut nosset
Pontifex, sibi non solùm paratam & instructam
mensam, sed aureas constructas etiam coronas, si
merita digna suppeterent. *In veste podéris totus erat
orbis terrarum,* & pro tanto mundi onere leuando
prouiderat Deus de sacra annona; & pro labore re-
munerando, aureas futuras in cælo coronas osten-
debat & offerebat. Summus Pontifex S I X T V S suis
humeris impositum totum planè orbem cognosce-
bat & sentiebat, cumque ab hac tam graui cruce
ad aliam, quam passus est in martyrio, iniustè fue-
rit condemnatus, vt leue onus tanti ponderis red-
deret, Eucharistia se muniebat, & vt suaue marty-
riuim efficeret, auream & aureolam præ oculis pa-
tiens


tiens habebat. Summus Pontifex Gregorius erat , & hac eadem tractus consideratione dicebat Hom.37. in Euangelia , & quidem adhuc in vnius Martyris solemnitate per vniuersam Ecclesiam loquitur in hæc verba : *Si consideramus, fratres charissimi, quæ Cœr quanta sunt, quæ nobis promittuntur in cœlis, vilescunt animo omnia quæ habentur in terris.* Terrena namque substantia supernæ felicitati comparata, pondus est, non subſidium. Temporalis vita æternæ vitæ comparata , mors est potius dicenda, quam vita. Ipſe enim quotidianus defectus corruptionis quid est aliud, quam quedam prolixitas mortis? *Quæ autem lingua dicere, vel quis intellectus capere sufficit, illa supernæ ciuitatis quanta sint gaudia;* Angelorum chorus interesse , cum beatissimis spiritibus glorie conditoris assistere, præsentem Dei vultum cernere , incircumscripturn lumen videre , nullo mortis metu affici , incorruptionis perpetuæ munere lætari ? sed ad hæc audita exardescit animus , iamque illic cupid assistere , ubi se sperat sine fine gaudere. Sed ad magna præmia perueniri non potest , nisi per magnos labores. Unde & Paulus egreditur 2.Tim.2,5. prædicator dicit : *Non coronabitur, nisi qui legitimè certauerit. Delectet igitur mentem magnitudo præriorum, sed non deterreat certamen laborum.* Hæc oracula SIXTI è cruce , hæc monita Gregorij è lecto , cui ægra semper valetudine affixus erat , hæc utriusque sententia,

2.Tim.2,5. *Non coronabitur, nisi qui legitimè certauerit; hæc vtriusque conclusio, Delectet igitur mentem magnitudo præmiorum, sed non deterreat certamen laborum.* Conclusit ad hanc formam suum martyrium Pontifex Pontianus, qui iam humi prostratus, vt manu carnificis cæderetur, perorauit : *Gratias tibi ago omnipotens Deus, qui me ad hanc horam perduxisti, vt per agonem passionis diabolum confunderem in tuo nomine: & tu nunc Domine suscipe spiritum meum in pace.*

*Extrema
verba morientis.*

Proferatur nunc in publicum sancti M A C A R I I Patriarchæ exemplum ; in quo, tamquam præclarissimo speculo, ferentis onus mortalitatis & morbi forma conspicitur.





Remigio alarum virtus caua nubila findit:
9 Nunc age, si potis es, corpora fige solo.



EMBLEMATICA IMAGO IX.
S. MACARII PATRIAR. CRVCIFIXI
EXPLICATA.

SANCTVS MACARIUS Patriarcha Antio- Surius ex Anonymo in Aprili.
chenus iacens in terra , & totus in ea ex-
tensus in crucis formam , clavis affixus
est. Accidit vero , vt terra ipsa clavos à se
reiiceret , nec tamen Iudæorum Saracenorumque
MACARIVM crucifigentium ira conquieuit. Affi-
xus terræ **MACARIUS** , & viuebat , & moriebatur:
& terreo nos corpori innexi , dum mortales sumus ,
viuimus simul & morimur : *Omnies morimur , & qua-* 2. Reg. 14.
si aqua dilabimur : singulis horis , singulis momentis
vitæ iacturam facimus , & lenta morte perimus .
Ne terræ affixi terræ afficeremur , mortalem vitam
nostram Deus reddidit onerosam. Consonat Chry-
sostomus Homil. 6. ad Antioch. *Ne igitur & nos ter-*
ræ affixi , & presentibus inhiantes torpeamus , & futu-
rorum obliuiscamur , vitam Deus nobis fecit laboriosam.
Constituit in vita mortali crucem , cùm scriptum sit: Iob 5, 7.
Homo nascitur ad laborem , sicut avis ad volatum. Ela- Sympathia Christi & Macarij Artificum ferenda mortali-
tus igitur in cruce **CHRISTVS** , sicut aquila prouocat ter-tatis.
ad volandum filios ac pullos suos , vt , relictis rebus

terrenis, superiora bona affectent, & more MACARII, funestæ terræ vitæque mortali renuntient, ad hoc se speculum componentes.

Crux MACARII, Crux mortalitatis humanæ.

*Crux mortalitatis,
instrumentum artis
benè vivendi.
Psal. 139, 5.*

*Rom. 7,
24.*

*Phil. 1, 2.
Excitatio
laboran-
tis.*

Psal. 54, 7.

Graue iugum, crucem magnam imposuit Deus super omnes filios Adæ, quos terreos & luteos condidit, & terræ simul affixit. Cruci mortalitatis suæ adstrictus gemebundus Dauid ait: *Heu mihi, quia incolatus meus prolongatus est; habitaui cum habitantibus Cedar, multum incola fuit anima mea.* Hanc eamdem crucem Apostolus patiebatur, & exclamabat: *Infelix ego homo, quis me liberabit de corpore mortis huius?* Optabat Paulus, ut clavis è terra diuulsis, facultas sibi auolandi concederetur. Cupiebat dissolui, & esse cum CHRISTO. Cui terra & terrea vita crux est, auolandi sursum inest desiderium, continere se non potest, nec contineri clavis, quò minus mysticus MACARIUS sit, & exclamat: *Quis mihi dabit pennas sicut columbae, & volabo, & requiescam?* Carnea columba est, nec tamen caro impediret, quò minus in altum volet. Pulchrè Basilius Epist. 166. *Qui namque curis huius vitæ admodum sunt occupati, instar avium carnosarum sunt, quæ frustrâ alatæ humi cum pecudibus detinentur.*

Crux

Crux MACARII, Crux ægrotantis.

CVm valet homo mortalis , ita super terram ^{Instrumen-}
 degit , vt quasi clavis adstrictus esse videatur. ^{tum artis}
^{benè mo-}
 Nequit à rebus terrenis auelli , earum affectionibus ^{riendi.}
 alligatus : superuenit ægritudo , & omnes illos af-
 fectus voluptatum , diuitiarum , & honorum , qui-
 bus fortiter tenebatur , seponit & abiicit. Iacet in
 lecto MACARII , qui cùm terræ affigeretur , clavos
 ferreos , quibus constrictus erat , reiecit à se , & se in
 libertatem asseruit , qui antè captiuus erat. Captiuus
 ille erat , qui & dicebat : *Adhæsit paumento anima mea.* ^{Psal. 118.}
 Morbum incurrit : *Non est sanitas in carne mea.* Ex- ^{25.} ^{Psal. 37.4.}
 pertus liberationem , & à nexibus liber cecinit : *Di-* ^{Psal. 115.}
rupisti vincula mea , tibi sacrificabo hostiam laudis. Felix ^{16.}
 illa ægritudo est , quæ hominem eximit à vinculis
 terrenarum rerum. Quæ autem hæc vincula sint ,
 scribit Epist. 39. Augustinus: *Vincula huins mundi aspe-*
ritatem habent veram , incunditatem falsam ; certum dolo-
rem , incertam voluptatem ; durum laborem , timidam quie-
tem ; rem plenam miseriae , speciem beatitudinis inanem.
 Graue iugum , & simul vinculum filiorum Ad-
 ami est : vtrumque tunc præcipue homo experitur ,
 cùm lecto affixus ægrotat. Ægrotabat virgo Elisabe-
 tha , & , vt eius tradit historia , postulauit enixè à

CHRISTO, *vt ab intolerabili vinculo languoris sui misericorditer eam absolueret*. Respondit ei CHRISTVS: *Citò venio, tū absoluo te*. Graue iugum mortalitatis humanæ, cùm dixerit S. Ambrosius Sermonem 7. in Iob: *Tantis malis hæc vita repleta est, ut comparatione eius mors remedium putetur esse, non pœna*. Quisquis in terra degit, laborat, & ægrotat, MACARIVM sibi non modò considerandum, sed etiam imitandum proponat. Consideret qualis genitus sit conditionis Adæ filius. *Primus homo de terra terrenus, qualis terrenus, tales & terreni*. quorum singulis competit illa vox, *Adhæsit paumento anima mea*. Consideret, qualis euadat is, qui vestigia sequitur venientis de cælo CHRISTI, STI, *vt cælestes nos omnes reddat*. Secundus homo de cælo est cælestis: *qualis cælestis, tales tū cælestes*. Primus ille è cruce auolauit, & in cruce & lecto iacentes ad volandum prouocauit. Cælestis MACARIUS est, qui sursum æger & sanus aspirat, & simul suspirat. MACARIUS imitator CHRISTI est: nos MACARII, sicut & ille CHRISTI, *vt nullis nexibus, nullis terrenis vinculis detineri patiamur, quò minus superna affectemus*. Präet MACARIUS, & *vt illum sequatur patiens morborum & laborum, cor suum dabit in similitudinem picturæ*.

Excitatio
ægrotan-
tiss.1.Cor.15,
47.48.Psal.118,
25.1.Cor.15,
47.48.Eccl.38,
28.

Leuamen laborantis & ægrotantis.

REx gloriosus nobiscum in terra mansit, vt, *Virtus Eu-*
cum sacram & cælestem percipimus Eucha-
ristiam, non quæ super terram sunt, more morta-
- lium, quæramus, sed quæ super cælum sunt, im-
 mortalium ritu affectemus: ac proinde facta iam
 consecratione, sustollitur in altum Agnus, qui nos
 ad cælestia vocat; &, ne deficiamus in via, sacro
 nos confirmat cibo, ad cuius esum nos omnes mor-
 tales excitat. *Venite ad me omnes, qui laboratis, et one-* Matth. 11,
rati estis, et ego reficiam vos. Mortalem agebat Elias, ^{23.} *Viaticum.*
 cum sub umbra iuniperi totus fatigatus succumbe- ^{3. Reg. 19.}
 ret: verum cum mysticum panem Angelicis mani-
 bus ministratum gustasset, immemor mortalitatis
 humanæ, de terra, in qua iacebat, surrexit, nè
 quieuit, donec in montem Horeb ascenderet.

Gloriosum opus Artis Crucis & patientiæ,
 Aurea & aureola corona.

AVrum è terra gignitur, & tamen suo splendo- *Honor alis*
re refert cælestem Solem. Corona digni sunt *artem be-*
 aurea; qui cum è terra suam originem ducant, ter- *nè viuen-*
 rena non sapiunt; sed sapiunt illis cælestia, cum & *di & mo-*
 ipsi cælestes sint. *Qualis cælestis, tales et celestes.* Cum ^{1. Cor. 15.}
sint ^{48.}

Ioan. 6,
59.Aureola
mortali-
tatis.Extrema
verba mo-
rientis.Psal. 115,
17.

sint tales non naturæ conditione , sed sublimitate
 morum , aluntur cibo cælitus dato. *Hic est panis, qui*
de cælo descendit. Aluntur cælesti epulo , vt inde vires
 acquirant ad rumpendos carnis nexus , quibus ter-
 ræ inuiti affiguntur, semelque soluti ac liberi ad au-
 reas aspirent coronas , quæ sunt in regno cælorum
 laborantibus & ægrotantibus destinatæ . Sarcina
 mortalitatis humanæ , martyrium certè dirum, sed
 dignum corona vitæ immortalis , qua soluta & libe-
 ra anima ornabitur. Huius martyrij finem deside-
 rans in extremo agone positus Eugendus Abbas, ac
 cælestis coronæ auidus , dicebat Monachis : *Parcat*
vobis omnipotens Deus, qui me tanta inæqualitate conſtri-
ctum non permittitis corporeis vinculis iam exolui. Et ideo
 rogo , si quid seni , si quid paternæ pietati præstatis , ne me
 retinete diutius , sed tandem transire permittatis. Accedit
 & Nicolaus Tolentinas , qui assistenti sibi ministrio,
 cum animæ & corporis instaret enodatio , adiurabat:
Vide ne cesses pronuntiare in aures meas : Dirupisti
Domine vincula mea, tibi sacrificabo hostiam laudis.

Proferatur nunc in publicum sancti NESTORIS
 Episcopi exemplum ; in quo , tamquam in præcla-
 rissimo speculo , fulget imago ferentis mortificatio-
 nem & morbum.

EM-



10. *Ne tu Nestoreæ Nestor certato senectæ;
Vite, quam sequeris, præualet vna dies.*



EMBLEMATICA IMAGO X.
S.NESTORIS EPISCOPI CRVCIFIXI
EXPLICATA.

SANCTVS NESTOR Episcopus sub Decio Surius
14. Febr.
ex Martyrolog. Imperatore Deum vnum esse prædicauit, & cultum inanum simulacrorum vanum esse declarauit: quam ob causam demandato Præsidis Pollionis in crucem actus, æternis annis auctus est. Mortales omnes NESTORIOS annos viuere concupiscimus, & vt illos acquiramus, necesse est vt carnem nostram crucifigamus. Assumptum probat Apostolus, & tandem concludit: *Ergo Rom. 8.
fratres debitores sumus non carni, vt secundum carnem
vivamus. Si enim secundum carnem vixeritis, moriemini;
si autem facta carnis mortificaueritis, viuetis.* Crucis instar mortificatio carnis est, quæ mortalem in nobis hominem crucifigit, vt nouus homo immortalis & æternus reuiuiscat. Totus viuus apparet in cruce NESTOR Episcopus, veræ mortificationis speculum, vt vel eius effigiem contemplantes nouerint vitam in cruce esse. Vnde & CHRISTVS iam resuscitatus gestat in manu crucem, vt sine cruce vitam immortalem esse non posse manifestet & ostendat.

M

Crux

*Sympathia
Christi &
Nestoris
Artificum
propria
mortifica-
tionis.*

Crux NESTORIS, Crux mortificationis.

*Crux mortificationis,
instrumentum artis
benè vivendi.*

I.Petr.2,
11.

*Excitatio
laboran-
tis.*

Gal.2,20.

Gal.6,14.

NEgotium satis difficile , degere in carne , & carnis ritu non viuere. Rem magnam postulat Petrus ; cùm dicit : *Obsecro vos tamquam aduenas et peregrinos abstinere vos à carnalibus desideriis.* Hæc prima lex mortificationis est , cui duas alias adiungit S.Bernardus Sermon de Peregrino , mortuo , & crucifixo. *Felices, inquit, qui se presenti sæculo nequam aduenas & peregrinos exhibent, immaculatos se custodiennes ab eo. Abstineamus ergo à carnalibus desideriis , quæ militant aduersus animam, tamquam aduenæ et peregrini.* Peregrinus quippe via regia incedit , non declinat ad dextram , neque ad sinistram. Secunda lex mortificationis est , vt instar hominis mortui homo se gerat. *Omnino felix mors , quæ sic immaculatum seruat , imò potius alienum facit ab hoc sæculo ! sed necesse est , vt qui non viuit ex se , viuat CHRISTVS in illo.* Hoc est enim quod ait Apostolus : *Viuo autem iam non ego , viuit vero in me CHRISTVS. quasi diceret, Ad alia quidem mortuus sum , non sentio , non attendo , non curo ; si quæ vero sunt CHRISTI , hæc viuum inueniunt.* Tertia lex mortificationis est , vt hominem cruci addicat , quemadmodum Paulum addixit. *Audi igitur ipsum de hac tanta altitudine non in se gloriantem , sed dicentem : Mihi absit gloriari.*

gloriari nisi in cruce Domini nostri IESV CHRISTI , per quem mihi mundus crucifixus est, & ego mundo. Non solum, inquit, mortuus sum mundo, sed et crucifixus, quod est ignominiosum genus mortis.

Crux NESTORIS, Crux ægrotantis.

CRUX NESTORIS, crux mortificationis est, nec *Instrumen-
tum artis
benè moriendi.*

Dubium , quin homo per morbos & ægritudines in eum statum reduci soleat , vt & aduenam & peregrinum , mortuum & crucifixum mundo se esse consideret. Refert NESTOREM in lecto, vt hunc eundem referat in æternitate. Qui morbo pulsatus CHRISTVM iam pulsantem per ægritudinem sentit , non tam moriturus , quam in æternum victurus , ad formam NESTORIS in lecto est , quemadmodum notat Gregorius Homil.13. in Euang. Qui autem de sua sp̄e & operatione securus est , pulsanti confessim aperit , quia latus Iudicem sustinet ; & cum tempus propinquæ mortis aduenerit , de gloria retributionis hilaris erit. Hac eadem cogitatione , cum æger esset Basilius , se muniebat , quemadmodum Epist. 60. scripsit ipse : Amplectenda enim tribulatio super tribulacionem , sp̄es super sp̄em , adhuc modicum , adhuc modicum. *Excitatio
ægrotan-
tis.* Ad istum modum alumnos suos Spiritus sanctus futuro-
rum promissione recreare nouit. Post tribulationes enim se-²⁵

quitur spes. Quæ verò sperantur, è vicino subsequuntur. Nam etiamsi uniuersam hominum vitam quis obiecerit, breuissimum tamen est illius spatium respectu infiniti saeculi quod in spe nostra reconditum est. Ad nutriendam hanc spem occurrit ægro Patris instar NESTOR Episcopus, & monet vitæ lignum esse sacratissimam CHRISTI crucem, & hanc eamdem esse, quam affectus morbo ipse in lecto doloris patitur. Dum cruciatur, considerare oportet, cruciatus esse vitales, qui vitam æternam afferunt. Afferunt patienti, oranti, & deprecanti: Rex gloriose, qui mortificatus carne, viuificatus autem spiritu æternitatis adiutum referasti, exaudi preces & gemitus ægrotantis, qui variis morbis mortificatur, ut sibi vitam acquirat. Hoc votum ægrotantis NESTORIS est, & pro voto suo è ligno vitæ vitam leget, si colat ipse patientiam, quam coluit & seruauit NESTOR, cuius vel vna dies antiqui NESTORIS diutinis præualet annis. Dies hæc æternitatis est, quam noctibus suis laboriosis virtute patientiæ transactis homo infirmus promeretur: & ne meritum suum amittat, vel diminuat, fugiat omnem impatientiam, seruet omnem tolerantiam; & vt illam semper seruet, semper illæsam inuiolatamque retineat; *Cor suum dabit in similitudinem picturæ.*

Leuamen laborantis & ægrotantis.

REx gloriosus mortificatus carne , viuificatus ^{Virtus Eu-}
autem spiritu, æternitatis aditum referauit, & ^{charistia.}
nobis æternæ futuræ vitæ pignus dedit & tradidit.
Et quidem Eucharistia cùm sit Caro & Sanguis
CHRISTI , nec carnem nec sanguinem sapiat , effi-
cit, vt qui particeps eius est in carne, nec secundùm
carnem viuat. Quapropter, qui affectibus subiicien-
dis ac subiugandis laborant , recurrent ad Euchari-
sticum Agnum , acceptent sibi factam oblationem,
Venite ad me omnes , qui laboratis , & onerati estis , & ^{Matth. 11,}
ego reficiam vos. Contendimus, dum viuimus, super-^{28.}
biam vitæ mortificationis gladio vincere ac supera-
re, nec quidem possumus hanc victoriam compara-
re , nisi adsit Eucharistia , cuius tanta virtus est , vt *viaticum.*
qui illam dignè sumat, non sibi, sed Deo viuat, non
Deo, sed sibi moriatur.

Gloriosum opus Artis Crucis & patientiæ,
Aurea & aureola corona.

CVm Rex gloriosus onere crucis grauatos & af- ^{Honor alit}
flictatos vocat ad refectionem , vocat ad men- ^{artem be-}
sam , in qua non solùm porrigitur Eucharistia , sed ^{nè viuen-}
etiam coronæ & corollæ proponuntur & offeruntur ^{di & mo-}
^{riendi.}

iis, qui nouerint persequi se , afficere se martyrio, & pretio mortificationis suæ æternam immortalitatem mercari. Reformatur h̄ic imago cordis & animæ voluptatum abnegatione , & carnis maceratione , in cuius studio & exercitio corona vitæ æternæ fabricatur. *Solus CHRISTVS* , vt lib.10. in Lucæ cap.9. affirmat Ambrosius, *est plena imago Dei*, propter expressam in se paternæ claritudinis imitationem. *Justus autem homo ad imaginem Dei est*, et propter imitandam diuinæ conuersationis similitudinem mundum hunc Dei cognitione contemnat, voluptatesque terrenas verbi perceptione despiciat, quo alimur in vitam. *Vnde ē Corpus CHRISTI edimus*, vt vitæ æternæ possimus esse participes. Non enim victus ē potus nobis præmij loco spondetur et honoris, sed communicatio gratiæ cœlestis et vitæ. Vitæ cœlestis & diuinæ gloriæ auidus ibat ad crucem NESTOR, & cùm esset crucifixus, tamenquam è cathedra docebat, & dicebat: *Filioli, stabilis sit nostra confessio ad Deum. Compatiamur ei*, vt conglorificemur. Et cùm dixisset, *Amen*, obdormiuit & quieuit.

Proferatur nunc in publicum sancti ASTII Episcopi exemplum ; in quo , tamenquam in præclarissimo speculo, ferentis amoris & morbi flamas conspicitur.

EM-

*Aureola
mortifica-
tionis.*

*Extrema
verba mo-
rientis.*



11 *Dia mihi penitas populatur flamma medullas :
Parce rogis, potero, tortor, amore mori .*



EMBLEMATICA IMAGO XI.

S. ASTII EPISCOPI CRVCIFIXI

EXPLICATA.

SANCTVS Astivs Dyrrachij vrbis Episco- Martyrol.
pus, Imperatore Traiano primò cruci af- Roman.
fixus est, flammis deinde addictus, ne 17.Iulij.
crux deesset igni, nec cruci ignis deesset.

Flamma amoris diuini ligno crucis alitur, lignum-
que sacræ crucis flammis charitatis ardescit. Crux
amoris, & amor crucis, in uno sibi modo respondent.

Fortis est ut mors dilectio. Similis morti est, quæ per Cant. 8,6.
crucem Martyri infligitur. Confirmat hoc ipsum
Gregorius Homil. II. in Euangelia. *Recte per Salomo-*

nem dicitur, Fortis est ut mors dilectio; quia videlicet
sicut mors corpus interimit, sic ab amore rerum tempora-
lium aeternæ vite charitas occidit. *Nam quem perfectè*

absorbuerit, ad terrena foris desideria insensibilem red-
dit. Pendens A S T I V S è cruce, & ad pedem crucis

flamma, consonant inter se, & simul indicant, ut
quemadmodum interimit corpus crux, sic etiam
ignis cœlestis amoris mundanis affectibus animam
emortuam reddit. C H R I S T V S ipse sic crucifixus
est, ut amorem suum ostenderet: sic amorem suum

Sympathia
Christi &
Astij Ar-
tificum fe-
rendi flam-
mas amo-
ris.

N

osten-

ostendit, vt crucifigeretur, quoniam nos omnes dilexit. Ad pedem crucis ASTII excitat ignem tortor, & quidem flamma charitatis flatu tribulationis acceditur. Ad hoc igitur speculum patiens se amator componat.

Crux ASTII, Crux amoris.

*Crux amo-
ris, in-
strumen-
tum artis
benè vi-
uendi.
Ephes. 3,
17.*

*Excitatio
laboran-
tis.*

*Rom. 8,
35.*

*Psal. 43,
23.*

*Rom. 8,
38.*

Similes nos omnes ASTIO esse cupit ac petit Paulus: *In charitate radicati, & fundati, ut possitis comprehendere, quæ sit latitudo, & longitudo, & sublimitas, & profundum: Quid h̄ic lateat, detegit Augustinus in Psalm. 103: Fortasse crucem Domini significat. Erat enim latitudo, in quâ porrectæ sunt manus; longitudo à terrâ surgens, erat totum corpus infixum; altitudo, ab illo innexo ligno sursum, quod eminet; profundum, ubi erat crux; & ubi spes omnis vitæ nostræ.* Paulus ipse radicatus & fundatus erat in charitate, & simul affixus cruci, dicebatque: *Quis nos separabit à charitate CHRISTI? tribulatio? an angustia? an famæ? an nuditas? an periculum? an persecutio? an gladius?* (sicut scriptum est: *Quia propter te mortificamur tota die, estimati sumus sicut oves occisionis.*) Mortificabatur tota die, quoniam tota die diligebat: & quidem amoris crux sic firmiter amantein tenebat, ut ab ea nulla posset vi diuelli. *Certus sum enim;* ait Paulus, *quia*

quia neque mors, neque vita, neque Angeli, neque Principatus, neque Virtutes, neque instantia, neque futura, neque fortitudo, neque altitudo, neque profundum, neque creatura alia poterit nos separare à charitate Dei, quæ est in CHRISTO IESV Domino nostro. Ignis non accenditur sine labore; nec sine labore diuinus excitatur amor. Hinc sanctæ memoriae Syncletica in Apophthegm. Patrum: *Qui ignem accendere volunt, prius fumantur, & ex fumi molestia lacrymantur. Ita & nos oportet diuinum ignem cum lacrymis atque laboribus in nobis ipsis accendere.* Etenim iuxta tritum sermone proverbiū, *Absque labore & dolore non vivitur in amore.* Crux igitur amoris crux ASTII est, qui cum diuino Ignatio exclamat: *Amor meus crucifixus est.* & cum diuo Paulo, diuino isto amore captus & virtutis ecstaticæ particeps factus, ait: *Vivo ego iam non Galat. 2.
ego, viuit verò in me C H R I S T V S : tamquam verus 20.* amator & qui excessit è se Deo, & iam non vitam suam, sed amati tamquam vehementer dilectam viuens. Hoc vtique modo primi illi diuini amoris præceptores pro CHRISTO quotidie morientes, testificabantur, vti par est, & sermone & opere se nil aliud nosse neque diligere præterquam CHRISTVM, euinque crucifixum.

Crux ASTII, Crux ægrotantis.

Instrumen-
tum artis
benè mor-
riendi.
Cant. 2,4.

Excitatio
ægrotan-
tis.

Felix lectus ægritudinis , cui adiungitur amor diuinus, vt qui febribus ardet, ardeat magis diuino amore, & dicere queat, *Amore langueo*. Qui sic affigitur lecto , vt amanter ægritudinem patiatur, similis est ASTIO Episcopo , quem sacra CHRISTI charitas cruci suæ adiudicauit, damnauit morte ; & dum tormentis affligeretur , insensilem Martyrem reddidit. Reddit & ægrum , qui tactus sublimi affectu exulat ipse à se , & acerbos dolores non sentit , nec curat. *Sed neque hoc mirum* (vt loquar cum Bernardo Serm. 61. in Cantic.) *si exul à corpore dolores corporis non sentiat*. *Neque hoc facit stupor, sed amor*. *Submittitur enim sensus, non amittitur*. *Nec deest dolor, sed superatur & contemnitur*. Ad hunc amorem allicerere conatur ægrotum S. Augustinus Tract. de Visitat. infirmor. Serm. i. *Si igitur Deum diligis, disciplinam Dei te flagellantem diligis, flagellum Dei sustines. Tusi si laboras, pulmone defisis, cibum stomachus respuit, phthisi decoqueris, dysenteria sauciaris, multimodo morborum genere afficeris? sed hæc, si oculum habes, si cordatus es, Dei dona sunt*. Quidquid Midas tangebat , in pretiosum aurum vertebat , quemadmodum narrat fabula. Hoc autem verissimum est , vt quidquid graue amator

DE SVPERIORIB. CRVCIF. ET CRVCIFERIS. 101

amator diuinus tangit, licet aliàs malum sit, totum vertatur in bonum. *Diligentibus Deum omnia coope-* ^{Rom.8.}
rantur in bonum: vt & morbi & infirmitates, quibus pulsantur, beneficiorum loco accipientur. Dilige-
bat Andreas Deum, & eius amor crucem illam, cui fuerat adiudicatus, bonam reddebat: vnde & ipse exclamauit, *O bona crux!* Bona crux est, cui diuini amoris ignis accedit: accessit & cruci ASTII, & id-
circò mala censenda non est, nec malus censendus lectus, nec morbus, cui flamma sacrae dilectionis adiungitur. *Charitas patiens est, benigna est, & qui tactus amore laborat, & non valet, cultor patientiae existat,* vt referat in cruce ASTIVM, qui toler-
rantiam cum igne amoris coniunxit: coniunxerat anteà Rex glriosus Martyrum CHRISTVS. Ne se-
paret æger, quæ Deus simul connexuit: *Cor suum da-* ^{Eccli. 38.}
bit in similitudinem picturæ. ^{28.}

Leuamen laborantis & ægrotantis.

REx glriosus, *cùm dilexisset suos, qui erant in mundo, in finem dilexit eos, auctor & institutor* ^{Ioan.13.1.}
Virtus Eucharistia. venerabilis Sacramenti. CHRISTVS tunc temporis ardebat intus amore, & quodammodo se leuauit ac recreauit, *cùm foras flamma charitatis erupit,* & sacram Eucharistiam condidit. Hoc sibi leua-

men exoptabat sponsa C H R I S T I , cùm diceret
Cantic.2, 5. *Fulcite me floribus , stipate me malis , quia
amore langueo.* Ad hos Eucharisticos flores , & mysti-
ca mala languentes amore vocantur , & quidem à

^{Matth.11,} C H R I S T O : *Venite ad me omnes , qui laboratis , &
23. onerati estis , et ego reficiam vos.*

Faceant ex hoc con-
uiuio qui amare nesciunt ; conuiuium enim amo-
ris est. vnde Spōnsa Cantic.5, 1. delibuta gaudio di-
cit : *Comedi fauum cum melle meo , bibi cvinum meum
cum lacte meo : comedite amici , et bibite , & inebriami-
ni charissimi.* Accēsfit amicos & charissimos , vt par-
ticipes sacrorum mysteriorum fiant , & Agnum
paschalem sumant. Monet vt comedant , bibant ,
& inebrientur. Laudabilis ebrietas venerandi Sacra-
menti est, cùm ita hominem possidet, vt extra se il-
lum constituat , & immemorem sui reddat. Habet
hanc vim Eucharistia , vt hominem diuino accen-
dat amore , & semel accensum sursum ferat , sur-
sum trahat humanarum rerum immemorem , me-
memorem diuinorum. Felix ebrietas, quæ suæ infirmi-
tatis oblitam inflammat animam , vt virtute accepti
^{Viatricum.} Viatici magnos animos concipiat ad pugnam , &
luctam cum hoste & morte futuram.


Gloriosum opus Artis Crucis & patientiae,
Aurea & aureola corona.

IN ardantis ignis formam ardet & ignescit amor, *Honor alit
aritem be-
nè viuen-
di & mo-
riendi.* ignescit & fulget aurum, ex quo corona construitur danda pro meritis iis, qui flamas diuinæ charitatis patiuntur more ASTII, & Augustini, qui cruci amoris affixus, & simul eius ardore accensus, cap. 18. Meditationum, postquam dixit, *Tu es Deus meus, panis meus viuus, Sacerdos meus in æternum, dux meus ad patriam;* constitutus in eius præsentia subiungit: *O splendor paternæ gloriæ, qui sedes super Cherubim, et intueris abyssos, lumen veridicum, lumen illuminans, lumen indeficiens, in quem desiderant Angeli propicere!* Ecce cor meum coram te est: discute tenebras eius, ut amoris tui claritate pleniùs perfundatur. Da mihi Deus meus te, redde mihi te: en amo te; & si parum est, amem validius. Non possum metiri, ut sciam quantum desit mihi amoris tui ad id quod satis est, ut currat vita mea in amplexus tuos, nec auertatur, donec abscondatur in abscondito vultus tui.


Hanc patiebatur crucem S. Franciscus noster Xauerius, magnus, & ita augustus amator, ut clamaret: *Sat est Domine, sat est.* nec diceret cum Augustino: *Non possum metiri, ut sciam quantum desit mihi amoris*

amoris tui ad id quod satis est, vt currat vita mea in amplexus tuos. Mensus est magnitudinem crucis suæ, & esse satis putabat, vt in amplexus diuinos rueret & corrueret, & de manu Omnipotentis in cælis aurea corona & aureola feruidus amoris Martyr coronaretur. Et quidem coronatus est. Nec quidem contra nobilem conditionem charitatis, quæ non querit quæ sua sunt, appetentia cælestium coronarum est, cum nihil velit & quærat extra Deum, qui Sanctorum omnium corona est. Ad hanc coronam trahebat amoris ignis sanctam Austrebertham virginem, quæ in lecto iacens claimabat: *Ecce ego ad te venio quem amavi, ad te propero quem desideravi, ad te sitio peruenire, quem semper ardenterissimo amore dilexi: in te spero, non confundar: tu meum suscipe spiritum in pace sempiterna, ne aduersum me præualeant inimici iacula.*

Proferatur nunc in publicum sancti PETRI Episcopi Damasceni exemplum; in quo, tamquam præclarissimo exemplo, scandali tollendi & morbi accipiendi forma conspicitur.



12. *Quid moror in terris, cùm sint præcisa laboris
Organa? me rutilis asfere Christe polis.*



EMBLEMATICA IMAGO XII.

S. PETRI EPISCOPI DAMASCENI

CRVCIFIXI

EXPLICATA.

SANCTVS PETRVs Episcopus Damas-
cenus , amputatis manibus , pedibus , lin-
guaque simul auulsa , à Principe Agare-
norum in crucem sublatus est . Sine pe-
dibus cælum ingreditur , sine manibus accipit pal-
mam , sine lingua loquitur Deo , & monet nos om-
nes , vt & manus & pedes præcidamus , si fortè im-
pediant , quò minùs in cælum veniamus . Huc perti-
net , quod frater Ægidius discipulus S.Francisci mo-
nebat : *Si vis benè & acutè cernere , erue tibi oculos . Si
vis audire perfectè , obtura aures , vt sis surdus . Si vis
rectè & præclarè loqui , præcide tibi linguam , vt obmu-
tescas . Si vis probè efficere omnia opera tua , amputa ma-
nus tuas . Si cupis esse membris omnibus integer & per-
fectus , mutiles ea .* Hoc ipsum est , more PETRI Da-
masceni , mysticè carnem propriam crucifigere . Præ-
tereà crux satis grauis est , in eum statum hominem
esse redactum , vt coniunctos sibi amicos teneatur à
se repellere , si velit regnum cælorum sibi promereri .

O 2

Quam-

Martyrol.
Menolog.

Quamobrem C H R I S T V s charorum omnium renuntiationem cum laboriosa cruce coniunxit. *Si quis*
Luc. 14.
26. *venit ad me, & non odit patrem suum, & matrem, &*
uxorem, & filios, & fratres, & sorores, adhuc autem
& animam suam, non potest meus esse discipulus. Pars arboris abscissa crux est, & hæc arbore, terræ, radicibusque renuntiat, ut fiat crux; & quisquis se ad formam crucis componit, debet abnegare parentes,

Sympathia Christi & Petri Damasceni Artificum vitandi scandali. propinquos, omnes charos & amicos. Sic PETRVS Dainascenus suadet, persuadet item C H R I S T V S, qui passioni iam propinquus abire permisit Apostolos, amicos nimirum suos, & in passione sua religiosus cultor silentij, valedixit Matri & Ioanni, suisque se charis pignoribus orbauit & priuauit.

Crux PETRI Damasceni, Crux scandali vitandi.

Crux vitæ scandali, instrumen-tum artis benè vivendi. **S**Atis magna crux censenda est, quam Redemptor noster iniunxit, & simul apposuit, cum dixit: *Si manus tua, vel pes tuus scandalizat te, abscede eum, & proice abs te: bonum tibi est ad vitam ingredi debilem, vel claudum, quam duas manus vel duos pedes habentem mitti in ignem æternum.* Quanta crux ista sit, exponit in hunc locum Hieronymus. *Igitur omnis truncatur affectus, & uniuersa propinquitas amputatur,*

tatur, ne per occasionem pietatis vnusquisque credentium scandalum pateat. Si ita est tibi coniunctus, vt manus, pes, oculus, & est utilis atque sollicitus, & acutus ad perspiciendum, scandalum autem tibi facit, & propter dissonantiam morum te pertrahit in gehennam, melius est, vt & propinquitate eius, & emolumentis carnalibus careas, quam dum vis lucrifacere cognatos & necessarios, causam habeas ruinarum. Accedit & Augustinus libro de Salar. docum. cap. 22. Amicus est, oculus est, manus est; amputa, & proiice abs te. Noli consentire. Membra etiam nostra in corpore nostro confusionem faciunt. Unitatis coniunctione vivunt, & connexione inuicem connectuntur: ubi dissensio, ibi morbus & vulnus est. Accedit & Cyrillus lib. 12. in Ioannem cap. 22. Discimus quando tempus ad certamina vocat, ne si etiam qui charissimi nobis sunt, prohibeant, turpe forsitan putantes, mentem villo modo illis adhibeamus. Non enim a satanâ differt, qui scanda ponit, & quibuscumque modis a recta sententia homines seducit. Quod etiam CHRISTVS ostendere videtur. Si oculus, inquit, dexter scandalizat te, erue eum, Matth. 5, & proiice abs te. Quod enim a felicitate nostra nos semo-^{29.}uet, etiam si amicitiae lege nobis coniungitur, etiam si natura ipsa & sanguinis proprietate copulatur, non nostrum, sed alienum & hostile putandum est.

Crux PETRI Damasceni , Crux
ægrotantis.

Instrumen-
tum artis
benè mo-
riendi.

CVM morbus ingruit , & vsum manuum , pe-
dum , & linguæ impedit , PETRI Damasceni
instar lecto affigitur ægrotus. Quòd si æger mani-
bus , pedibus , & lingua labi consueuerit , soletur se
ipsum , cùm videat peccandi instrumenta & organa
defecisse. Cùm manus & pedes deficiunt laboranti
podagra & chiragra , si lecto fixus inhæreat , reda-
ctus ad eum statum est , in quo PETRVS Damasce-
nus depingitur. In hoc ipso statu erat Gregorius
Magnus , sicut & ipse scribit lib.7. Epist.127. Pecca-
tis meis exigentibus , ecce iam vndecim menses sunt , quòd
waldè rarum est , si de lecto aliquando surgere potuero.
Tantis enim podagre , tantisque molestiarum doloribus pre-
mor , vt vita mea mihi grauissima pœna fit. Quotidie enim
in dolore deficio , & mortis remedium expectando suspiro.
Redactus ad hanc necessitatem infirmus , cùm ia-
ceat in lecto , corporis orbatus functionibus , nec
se , nec statum suum despiciat , sed audiat Ambro-
sium lib. 1. de Iacob & vita beata , cap.8. Sed fortè
aliquis putet , ægritudinem atque imbecillitatem corporis
impedimento esse ad perfectionis munus implendum , eò
quòd non possit opera manuum vlla factaque prodere. Ve-
rūm

Excitatio
ægrotan-
tis.

rūm ea sibi iustus impedimenta esse non sentiet , imò etiam eum , qui illa mirabiliter defleat , corripiet , & quasi ignauum arguet , quòd plus in corporis vñu , quàm in animæ virtute constituat . Elucebat hæc virtus in Bernardo affixo lecto ; qui cùm extremè ægrotaret , ne ceteris scandalo esset , mori malebat . Vnuere , inquit , erubesco , quia parum proficio : mori timeo , quia non sum paratus : malo tamen mori , & misericordia Dei me committere & commendare , quia benignus & misericors est , quàm de mala mea conuersatione scandalum facere . Discat æger mori potius quàm scandalum dare : discat & orare : Rex gloriose , cuius crux diligentibus legem tuam scandalum non est , hanc mihi gratiam concede , legem & crucem amanti , vt corporis ægritudine quam patior , tollat & abscindat omnia offendicula , quæ saluteim animæ impediunt . Quisquis hoc in votis habet , componat se ad formam PETRI , qui legem de scandalo latam religiosè seruavit , & seruandam è cruce docet ; docet & patientiam , quæ necessaria est iis , qui cum ipso laborant & ægrotant .

Leuamen laborantis & ægrotantis .

REx gloriosus nec manus , nec pedes , nec lingua in vindictam in cruce habuit , & idem

*Virtus Eu-
charistia.*

Agnus

Agnus nec manus, nec pedes, nec linguam videtur habere consecratus in Eucharistia: ad leuamen seruorum suorum, qui propter custodiam legis huiuscemodi membrorum vſu fese priuant, & eorum functionem patientes in lecto non exercent. Hos

^{Matth. 11.} ^{28.} vocat CHRISTVS cùm dicit: *Venite ad me omnes, qui laboratis, & onerati estis, & ego reficiam vos.* Et quidem

iacens in lecto homo nec pedes habet nec manus, vt tendat in cælum, & illud apprehendat. Succurrit eius indigentiae CHRISTVS, qui post sumptum iam viaticum. Viaticum exerit è sacra Hostia pedes illos sacrosanctos, quibus in cælum ascendat, manus, quibus illud capiat, ac fortiter teneat.

Gloriosum opus Artis Crucis & patientiæ, Aurea & aureola corona.

Honor alit
artem be-
nè viuen-
di & mo-
riendi.

Gloriosus Rex, qui propter vitandum scandulum, scissionem pedum & manuum, priuationemque visus ordinavit & intimavit, meminit remunerationis futuræ in cælis, cùm dixit in Euan-
^{Matth. 18.} gelio: *Bonum tibi est ad vitam ingredi debilem vel clau-
dum, quam duas manus vel duos pedes habentem, mitti in
ignem æternum.* Bonum quidem PETRO est se in cælesti patria præsentare, pro cuius amore & defensio-
ne permisit se manibus pedibusque truncari. Deco-
rum

rum satis est pro patria similia pati ; pro cælo &
 regno Dei eiusmodi iacturam facere , multò glorio-
 sius est. Terrena patria decorare potest eos , qui pe-
 dum & manuum detrimenta propter ipsam subie-
 runt , reparare tamen & restaurare minimè potest:
 cælestis verò patria magna cum gloria factas pro se
 iacturas omnino tollit , & membra amissa reddit ac
 restituit. Nouerat hanc gloriosi Regis virtutem puer
 ille Machabæus , qui iussus extrahere linguam , &
 manus extendere, ut carnificis gladio amputarentur,
linguam postulatus citò protulit , & manus constanter ex-
tendit , & cum fiducia ait : E cælo ista possideo , sed pro-
2. Machab.
7, 10.

pter Dei leges nunc hæc ipsa despicio , quoniam ab ipso me
ea recepturum spero : ita ut Rex , & qui cum ipso erant ,
mirarentur adolescentis animum , quod tamquam nihilum
duceret cruciatus. Ad stuporem etiam hostium nihil
tormenta curabat , cum sciret pati se pro cælo &
Deo , cuius potentia erant cum magno fœnore
membra perdita resarcienda. Hæc fortis ac valida
meditatio & cogitatio est , qua patiens in ipsa se-
ctione membrorum despiciet cruciatus , despiciet
& amicos , notos & propinquos , expectans plenam
& plenariam compensationem cum ingredietur ad
vitam , & ad vitæ simul coronam admittetur. Hac
spe & expectatione suffultus cum Laumarus Abbas
Aureola
tollentis
ex se scandala.

*Extrema
verba mo-
rientis.*

affixus lecto , & priuatus suorum membrorum vſi-
bus effet , in extremis affirmabat : *Ego latus sum ani-
mo, ineffabilem Dei misericordiam appello , vt ianuam pie-
tati ſuæ velit mihi patefacere , meamque ſpem & expeſta-
tionem certa promiſſionum ſuarum remuneratione ſolari.*

Proferatur nunc in publicum sancti CLEMEN-
TIS Episcopi & sociorum exemplum ; in quo, tam-
quam in præclarissimo ſpeculo , ferentis zelum &
morbum forma conſpicitur.





Clarescant alij numerosæ stragis aceruo :
13. Vobis perpeſſâ gloria morte venit .



EMBLEMATIC A IMAGO XIII.

S. CLEMENTIS EPISCOPI,
ET SOCIORVM PHENGONIS
ET EVCARPI CRVCIFIXORVM

EXPLICATA.



LEMENS, Agathangelus, & socij pro con- Metaph.
Menolog.
fessione IESV CHRISTI, dominante Ma-
ximiano, protrusi in calcis viuæ fornacem,
custodia militari seruabantur. Aderant in
militari cohorte PHENGON & EVCARPVS, qui san-
ctorum Martyrum verbis & miraculis attracti, par-
tibus CHRISTI adhæserunt. Quam ob causam vter-
que crucifixus est, & vterque zelo accensus commi-
litones suos in partes CHRISTI trahere conatus est.
Hoc signum, hoc argumentum perfectæ conuersio-
nis est, vt qui reuocatus à Deo piissimo fuerit, ce-
teros reducere ad Deum conetur. Audiamus Am-
brosum lib.2.de Pœnit.cap.6. *Subiiciamus nos Deo, vt*
non subditi simus peccato, & tanta fiat conuersio, vt qui
Deum non agnoscebamus, ipsi eum iam aliis demonstremus.
Ardebant CLEMENS & Agathangelus in fornacē il-
la calcaria, non tam visibili quām inuisibili flam-

ma , qua zelator animarum Paulus flagrabat , cùm

^{2. Cor. 11,} diceret : *Quis scandalizatur , & ego non vror ?* Diuinus
^{29.} *Sympathia Christi & Mariyrum tuæ comedit me.* qui & dicit : *Ignem veni mittere in ter-*
^{Artificum zeli ferent- di.} *ram , & quid volo nisi vt accendatur ?* Accensus est in
^{Psal. 68,} CLEMENTE & Agathangelo , qui Deo PHENGVM &
^{10.} EVCARPVM pepererunt . Quales patres , tales & pro-
^{49.} les euaserunt flagrantes & ardentes zelo conuer-
 sionis animarum , quæ contra ipsum Deum milita-
 bant , & pro Deo iam conuersæ decertarunt , & di-
 uini zeli speculum illustrarunt .

Crux PHENONIS & EVCARPI , Crux zeli animarum .

^{Crux zeli animarum , instrumen- tum artis benè vi- uendi.} **Z** Elator conuersionis animarum suam portat
^{Excitatio laboran- tis.} crucem , & cruciatur , duin mores peccatorum
 sustinet , & dum amore tractus ipse , errantes homi-
 nes à perditionis via retrahere contendit . In hanc
 ipsam sententiam CHRISTVS loquitur lib. 4. Reue-
 lat. cap. 129. S. Birgittæ , concluditque post multas
 Ergo , qui ardua vincere proponit , attendat ad tentationes
 suas , & caueat ne per inordinata desideria minuatur Dei
 zelus , quia toto desiderio & zelo diuino , & cum omni pa-
 tientia currendum est ad peccatorem , opportunè & impor-
 tunè , vt conuertatur , & ubi iustus nihil proficit loquen-
 do ,

do, vel admonendo, ibi zelus est exercendus, orationumque instantia continuanda. Conditionem zeli huius CLEMENS & Agathangelus in sua calcaria propoununt, & quasi exponunt verbis Ambrosij Serm.18. in Psalm.118. Zelus charitas est. Denique *valida* est ^{Cant.8,6.} sicut mors charitas, durus sicut inferi zelus. Durus zelus, quem vitæ huius nulla vincit illecebra. Durus zelus inferi, per quem peccato morimur, ut viuamus Deo. Angeli quoque sine zelo nihil sunt, & substancialiæ sue amittunt prærogatiuam, nisi eum zeli ardore sustentent. Durus zeli ardor, qui & Angelos & Agathangelos accedit. Facis Angelos tuos spiritus, & ministros tuos ^{Psal.10,7;} ignem vrentem. Talis & minister Paulus erat, de quo ^{4.} lege Augustinum lib.3. de Verbis Domini Serm.26. Pugnat ergo pro omnibus, zelatur omnes Dei zelo, accenditur pro omnibus, & iuflammatur pro iis qui extra legem sunt, & pro iis qui in lege sunt, Magister gentium.

Crux PHENGONIS & EVCARPI, Crux ægrotantium.

PHENGON & EVCARPVS teneri & infirmi adhuc ^{Instrumen-} in fide crucibus adiudicantur, quorum salute in ^{tum artis} curantes CLEMENS & Agathangelus, viuâ calce com- ^{benè mo-} buruntur. Testatur exterior ignis charitatem inte- ^{riendi.} riorem, quo flagrabant in crucifixos infirmos. Hæc lex

lex summae charitatis est , vt cum ipse male habeas , decumbas in lecto , & labores , immemor ægritudinis tuæ fratrum ægrotantium curam habeas , feruenter & ardenter eorum valetudinem procures . In morbi & infirmitatis fornace Timotheum Apostolus esse volebat , cum laborare eum sineret , diceret
 1.Tim.5.
 23. que : Modico vino utere propter stomachum tuum & frequentes tuas infirmitates . Causam reddit Chrysostomus Epist.4. Nec ipsius morbum profligauit is , qui mortuos ad vitam reuocabat , verum eum in morbi fornace versari permisit , quod amplissimæ libertatis & fiduciæ opes hinc ipsi cogerentur . Quisquis ad hunc statum redactus est , in fornace CLEMENTIS & sociorum se esse considerer , & zelator salutis animæ suæ lubens ac volens ardores febriles patiatur .

Leuamen laborantis & ægrotantis .

*Virtus Eu-
charistia .
Matth.11,
28.*

REx glriosus zelo salutis alienæ flagrantes & laborantes vocat ad se , Venite ad me omnes , qui laboratis , et onerati estis , & ego reficiam vos . Hoc valde mirabile est , quod cum sit sub panis & vini formis fornax cœlestis ardoris , is , qui sumit Eucharistiam , in æstu flagrantis zeli diuinam tempiem sentiat . Eucharisticus quippe ignis illuminans Apoc.21, est , non comburens . Lucerna eius est Agnus . Agnus est ,

est, dum consecrat & consecratur nocte suprema in cœnaculo , quo tempore simul & loco sumimum animarum zelum cum summa suauitate coniunctum ostendit. Et quidem verba consecratoria, quid nisi zelum sonant, cùm mysticū Agni corpus, & pretiosus eius Sanguis , pro culparum huianarum remissione consecrentur. Ritè ac rectè verba consecrationis non elata voce , sed submissa proferuntur, vt vel ex ipso vocis sono diuini zelatoris mansuetudo magis innotescat , magis patefiat. Cùm cælestis Agnus Dei seipsum tunc temporis dederit per sacri formam Viatici , & in eo salutis humanæ ardente *viaticum.* suum zelum ostenderit, quisquis hunc ipsum comœtum moriturus accipiat, expendat, & perpendat quantam de anima sua seruanda C^HRISTVS haberit semper curam, & tunc maximè habeat.

Gloriosum opus Artis Crucis & patientiæ, Aurea & aureola corona.

CVin species quædam martyrij sit passio diuini *Honor alit
artem be-
nè viuen-
di & mo-
riendi.* Czeli, quisquis æmulator est, cogitet de præmiis, cogitet de coronis, quæ decretæ in cælis sunt Martyribus per ignes & flamas in cælesti regnum migrantibus. Meminerit magni zelatoris Eliæ , qui totus in igne erat , & viuum martyrem agens ad.

Q

spe-


speluncam se recepit , & in eius sepulchro & cæ-
 uea se occultauit , cùm rogatus quid ibi ageret,
 3. Reg. 19, respondit : *Zelo zelatus sum pro Domino Deo exerci-*
 4. *tuum.* Vnuus hic martyr , qui paulò antè cibo typico
 fuerat recreatus , vdit in monte specimen cælestis
 gloriæ , cuius mirabili contemplatione magnos
 concepit animos , vt magis ac magis zeli diuini ar-
 doribus animam suam exponeret : cùm tamen ante
 1. Reg. 19, propositam sibi gloriam petiuit animæ suæ , vt more-
 4. *retur.* Non petebat Elias post visum præxium iam
 mori , vltierius pati appetebat. Hoc ipso ispiritu du-
 etus , cùm esset in extremitis vicinus gloriæ Martinus ,
 dicebat Deo : *Si adhuc populo tuo sum necessarius , non*
recuso laborem , fiat voluntas tua.

*Extrema
verba mo-
rientis.*

Proferatur nunc in publicum sancti LIBERATI
 Abbatis & sociorum exemplum ; in quibus , tam-
 quam præclarissimo speculo , transitus mundi &
 morbi forma conspicitur.



14. *Cedat sepositas Argo quæ vexit in oras :
Hæc pinus cæli vos statione locat .*



EMBLEMATICA IMAGO XIV.

S. LIBERATI ABBATIS, ET
SOC. CRVCIFIXORVM
EXPLICATA.

ARTHAGINE sub Hunerico tyranno Victor in
LIBERATVS Abbas, BONIFACIVS Dia- Histor.
conus, SERVVS & RVSTICVS Subdiaco- VVádalor.
ni, & MAXIMVS puer, in naui cruci- Martyrol.
fixi sunt, at naui adiecto igne, vt omnes pariter Roman.
concremarentur. Admotus ignis diuinitus extinctus
est, carnifices verò, igne furoris accensi, remorum
ictibus Martyres contriuerunt & maectarunt. Sacri-
ficium hoc Pontificale est quod Abbas celebrat: af-
sistunt ministri Sacrificio, & ipsi sacrificantur. Ne-
mo sine nave mare nauigat, nemo sine cruce transit
mundum, & appellit in portum. Cælestem patriam
olim eminus mortales contemplabantur, & aspi-
cientes à longè illam salutabant. Ignis & aqua si-
mul interiacebant, & accessum in cælum impedi-
bant: hinc dolor, hinc gemitus. Venit CHRISTVS Sympathia
in mundum, de rate ac cruce prouidit, qua nobis Christi &
in cælum viam aperiret. Fauet dictis Augustinus martyrum
libro de Opere Monach. cap.31. Sanè omnibus, nobis Artificum
mundani ferendi.

(et) vobis pro nostro gaudio & officio laborantibus, et) arcta est via in labore & ærumna, & tamen in spe gaudentibus iugum eius leue est, & sarcina leuis; qui nos vocauit ad requiem, quò prior transitum fecit à conuale plorationis, ubi ipsemet sine pressuris non fuit. CHRISTVS ignem pariter & aquam tribulationum passus est, & liber vel inter mortuos euasit, & fecit liberos, non crucifixos modò, sed etiam cruciferos suos, qui portum iam cæli tenentes, Liberatori suo canentes celeuma, dicunt: Transiimus per ignem & aquam, & eduxisti nos in refrigerium.

Crux LIBERATI & sociorum, Crux transitus mundani.

*C*Vm CHRISTVS in Iordanè esset Filius à Patre proclamatus, *Hic est Filius meus dilectus, in quo mibi complacui*, consequenter addit Euangelista: *Ductus est à Spiritu in desertum, vt tentaretur à diabolo.* Duxit illum Spiritus ad ieunia, ad tentationes & labores. Hæc est Dei filiorum conditio, ut quò Spiritus sanctus eos trahit, eò pergant. *Qui spiritu Dei aguntur, ij sunt filij Dei.* Nauis vento agitur & agitat, & nauis instar à diuino Spiritu sancti viri mouentur & impelluntur. Sanctus planè vir, qui dicebat: *Spiritus tuus bonus deducet me in terram rectam.*

Deducet

Deducet me , inquam , in portum per maria , per fluctus , per tempestates. Per fluctus : *Omnes fluctus psal. 87, 8 tuos induxisti super me.* Per tempestates : *Veni in altitudinem mari* , *et) tempestas demersit me.* Sic itur ad astra. Committamus nos mari , fluctibus & tempestatibus, vt & in portu cantemus : *Transiuimus per psal. 65, ignem & aquam.* Rubrum mare rubore suo ignis colorem præ se ferebat , quod filij Dei transferunt : & nos non aquam modò , sed ignem etiam virtute Crucis supereimus. Transeunt probi , transeunt improbi : probi de mundo , improbi cum mundo , sicut notat Augustinus Tract. 55. in Ioanneim. Aliud est , inquit , transire de mundo ; aliud , transire cum mundo ; aliud , ad Patrem ; aliud , ad hostem. Nam Aegyptij transferunt , persequendo Israëlem transferunt , sed non transferunt per mare ad regnum , sed in mari ad interitum. Concludit : *Salubris transitus est , cùm à diabolo transimus ad CHRISTVM , & ab isto instabili sæculo ad fundatissimum regnum.* Audi Nauclere. Nauclero quidem profecto non permittitur , ait Basilius Epist. 166. vt tranquillum vbi velit reddat infensum pelagus : nobis verò admodum facile est , vt vitam nobis ipsis redamus tranquillam , si internos animi tumultus , qui ex affectionibus inordinatis aduersum nos insurgunt , compescuerimus. Neque enim facultatum dispendia , neque morbi corporis ,

poris , neque quæcumque reliquæ vitæ molestiæ cautum ac studiosum pietatis lædent , donec animo ita comparatus est , ut cum Deo ambulet , vt de futuris cogitet , eosque flatus , qui infernè excitantur , alacriter & expeditè superet .

Crux LIBERATI & sociorum , Crux ægrotantium.

Instrumen-
tum artis
benè mo-
riendi.

Tempus vitæ nostræ , tempus nauigationis est . Nauigamus in corpore , & cùm venimus ad portum , ægrotamus , affigimur lecto , febribus inflammamur , vt LIBERATO ac sociis similes effecti , liberi iam à scopolis & tempestatibus humanæ nauigationis , portum intremus ac teneamus . Benè monet Olympiadem ægram Chrysostomus Epist . 4 .

Excitatio
ægrotan-
tis.

Quantò magis aurum inflammatur , tantò etiam purius redditur . Quantò longius nauigat mercator , tantò plures merces cumulat . Quocircà ne paruum nunc tibi propositum esse certamen putas , verùm omnium , quæ sustinuisti , altissimum , maximumque & sublime ; de eo loquor , quod in corporis aduersa valetudine situm est . Sanctus Bernardus Abbas , sicut eius tradit historia , plenus iam mercibus ac onustus meritis , cupiebat , euectus nauie , ex miseriis & æruminis vitæ mortalis liberari . Accidit extremè iam laboranti , videri sibi nauem ,

quæ

quæ se transucheret, expectare. Et quidem illa quasi in littore apparuit, & cùm Bernardus ingredi festinaret, nauis disparuit. Cognouit necdum tempus migrationis suæ aduenisse. Crescebat dolor, & morbus ingrauescebat; & hoc habebat solatij, quòd es-
set redditura nauis, & se suasque merces tandem in cælestem portum intromissura. Cùm æger febribus ardet, cogitet se in proposita LIBERATI & socio-
rum naue lecto crucis alligatum. Si puer sit, puerum crucifixum intueatur: si iuuenis, iuuenes affi-
xos cruci contempletur: si virum iam agit, viros suspendio addictos attendat: si senex prouectus ætate est, pendentem è nauis arbore senem præ oculis ha-
beat, vt cuiuslibet ætatis homo nouerit, sibi è mor-
tali vita nauigandum, nec certum tempus aliquod præfinitum, quo quis perueniat in portum, iam puer, iam iuuenis, iam vir, iam senex ardente fe-
bri corripitur, & festina morte abripitur. Transeunt per ignem & aquam omnes, quos nauis exhibet crucifixos, vt in refrigerium veniant, & æger, qui eamdem patitur probationem, *Cor suum dabit in si-*
Ecli. 38.
militudinem picturæ.

Leuamen laborantis & ægrotantis.

Virtus Eu-
charistia.

Rex gloriosus, cùm iret de mundo ad Patrem, in leuamen transeuntium sacram Eucharistiam condidit & reliquit. Et quidem adhuc in Ecclesia sua Agnus è Petri nauicula clamat ad eos qui in mari laborant, & amaros fluctus tranant, mundi Oceanum transeuntes, *Venite ad me omnes, qui laboratis, & onerati estis, et ego reficiam vos.* Ecclesia sancta facta est quasi nauis institoris de longè portans panem suum, & inde C H R I S T V S super transeuntes aquas panem Eucharistiæ mittit, vt mare tranquillum faciat, & nauigantes suos ducat & inducat in portum. Ne iam accedentes ad portum, naufragium ægrotantes patiantur & submergantur, succurrit per eamdem Eucharistiam, in qua diuinus Agnus Dei porrigitur & ministratur, vt quæ mortis tempore exoriri & sœuire tempestates solent, imperio eius remittantur atque sedentur.

Gloriosum opus Artis Crucis & patientiæ,
Aurea & aureola corona.Honor alit
artem be-
nè viuen-
di & mo-
riendi.

Cum tingimur aqua lustrali, satis nobis insinuatur, qualis sit mundanus transitus, per quem datur in cælum accessus & ascensus. Fit per aquas

aquas transmigratio , quæ est aperta nauigatio im-
posita iis qui *in Spiritu sancto & in igne* baptizantur. Matth. 3.
11.
Hæc nauigatio Christiana, quæ fit virtute Baptisini,
formam martyrij importat. Confirmat assumptum
Augustinus lib. de Ecclesiast. dogmat. cap. 74. *Bapti-*
zandus confitetur fidem suam coram Sacerdote, & inter-
rogatus respondet: hoc & Martyr coram persecutore facit,
qui & confitetur fidem, & interrogatus respondet. Ille
post confessionem vel aspergitur aqua, vel tinctur: & hic
vel aspergitur sanguine, vel contingitur igne. Ille manus
impositione Pontificis accipit Spiritum sanctum: hic habi-
taculum efficitur Spiritus sancti, dum non est ipse qui lo-
quitur, sed Spiritus Patris qui in eo loquitur. Ille commu-
nicat Eucharistiæ in commemoratione mortis Domini: hic
ipse CHRISTO commoritur. Ille profitetur se immundis
actibus renuntiaturum; hic ipse renuntiat vitæ. Illi pec-
cata omnia dimituntur, in isto extinguuntur.

Hæc nauigatio Christianorum simul & Marty-
rum est , hæc communis tranatio & transmigratio,
quam nauis LIBERATI & sociorum transfeuntium
per aquam & ignem ostendit & declarat. Cùm verò
species nauigationis sit vita Christianorum , ritè ac
rectè coniungitur cum Baptismo mysterium sacræ
Eucharistiæ , ne in mari annona deficiat. Verùm
enim verò , cùm in pelago nauigantibus cælum pa-

teat, cuius aspectus recreat ferentes graues molestias
 tum maris tum nauis, erit occasio & causa cælestis
 recreationis facienti transitum laboriosum, erigere
 oculos ad præmium sibi in cælis destinatum, si pro-
 spèrè confecerit nauigationem, more LIBERATI &
 sociorum, qui salui & incolumes in portu festuum
 celeuma dicunt & canunt, *Transiimus per ignem &*
aquam, et induxisti nos in refrigerium. Erat iam vici-
 nus portui Adelhardus Abbas, cùm frequenter ite-
 raret: *Hinc ibo, et ad Deum meum veniam, letus mo-*
riar, letusque transibo ingentes huius vitæ foucas; quo-
niam ad gaudia peruenturus sum sempiterna; longè mihi
antè promissa. Proximus iam cælo Nicolaus Tolenti-
 nas postulauit sibi crucem. *Crucem, inquit, meis oculis*
inspiciendam offeratis, ut eius virtute ceu baculo altissi-
mae potestatis fultus, Jordanem huius mundi liberè trans-
mittere, & ad paradisi gaudia facile peruenire queam.

Proferatur nunc in publicum sancti PAPHNVTII
 Abbatis exemplum; in quo, tamquam præclarissi-
 mo speculo, triumphantis in labore & morbo for-
 ma conspicitur.



Quam bene iuncta tuæ Paphnuti præmia pugnæ?
15. Palma crucem, palmam crux generosa dedit.



EMBLEMATICA IMAGO XV.

S. PAPHNVTII ABBATIS CRVCIFIXI

EXPLICATA.

SANCTVS PAPHNVTIVS Abbas, cùm di- Metaph.
Martyrol.
ram in Christianos persecutionem esse in
Ægypto cognouisset, contendit eò, &
sua sponte Ariano Præfecto seipsum præ-
fentauit, & paratum se mori pro defensione Chri-
stianæ fidei declarauit. Quam ob causam variis pœ-
nis cruciatibusque tentatus, affixus tandem palmæ
palmam consecutus est. Nouit patientia CHRISTI
vel in ipsa cruce triumphare, canitque propterea
Ecclesia:

*Pange lingua glorioſi
Lauream certaminis,
Et ſuper crucis trophæo
Dic triumphum nobilem,
Qualiter Redemptor orbis
Immolatus vicerit.*

Redemptor quidem orbis tempore sacræ passionis Sympathia
Christi &
festiuum Palmarum diem egit & coluit, vt trium- Paphnutij
Artificum
phantorem ſe in ipſo prælij conflictu declararet, & passionis
commilitones ſuos crucifixos & cruciferos non fo- trium-
phantis.
lum Matth. 21.

lum post labores iam transactos , sed etiam in eorum tolerantia triumphum celebrari posse doceret.

Cant.7,8. Triumphauit in cruce anima , quæ dixit : *Ascendam in palmam , & apprehendam fructus eius.* Et ille etiam Gal.6,14. qui scripsit : *Mibi autem absit gloriari , nisi in cruce Domini nostri IESV CHRISTI.* Placet pulchra sententia Doctoris Ecclesiæ Ambrosij in i. ad Corinth. cap.i. *Victor existit , qui iniuste occiditur , reum constituens eum à quo occiditur.* Consonat Bernardus Serm.61.in Cantica : *Stat Martyr tripudians & triumphans , toto licet lacero corpore ; & rimante latera ferro , non modo fortiter , sed alacriter sacrum è carne sua circumspicit ebullire cruorem.* Existit quoque victor , quo iniuste vexatur , reum faciens à quo diuexatur & exercetur.

Crux PAPHNYTII , Crux patientiæ triumphantis.

*Crux pa-
fionis pa-
tientia
triun-
phantis,
instrumen-
tum artis
benè vi-
uendi.*

MAgnum quid est , in ipsis passionibus vincere, & in ipsis laboribus cum PAPHNYTIO triumphum agere. Crux ipsa Martyri palma fuit. Vnde , quod Leo Pontifex Sermone de S.Laurentio obiecit Datiano , obiici quoque potest Ariano : *Sæ-
uisti persecutor in Martyrem , sœuisti , & auxisti palmam ,
dum aggeras pœnam. Nam quid non ad Victoris gloriam
ingenium tuum reperit , quando in honorem transferunt
triumphi,*

triumphi, etiam instrumenta supplicij? Crux quoque ipsa nobis pœna & palma sit, quemadmodum de Elia & ieun. cap.5. Ambrosius monet. *Diuinum, in-* Num. 10.
quit, ad Patres resultauit oraculum, vt cum egredierentur^{2.} *Excitatio-*
ad bellum, tuba canerent, cuius sonitu Dominus remini-^{laboran-}
siceretur populi sui, quo petitum conferret auxilium, plus-
que misericordiae suæ incentiuia cognoscentes in diebus lati-
tiae suæ, in Neomeniis suis concinerent tubarum sōnos.

Vnde et) David dicit: Canite initio mensis tuba in die Psal. 80, 4.
insignis solemnitatis vestræ. Veniet igitur nobis solemnis dies, et iam appropinquat, canamus tuba, et annuntiemus solemnitatis diem simul nobis, et certamen imminet,
et) victoria repromittitur. Victoria nostra Crux CHRISTI est, trophaeum nostrum Pascha est Domini I E S V. Ergo cum vocamur ad crucem, ad palmam, ad victoriam, & triumphum inuitati nos a CH R I S T O existimemus, & cum PAPHNVTIO in cruce ipsa, quam ferunt cruciferi, exultent & glorientur. Etiam in morte ipsa, more Gerardi, de quo S. Bernardus Sermone 26. in Cantica dicit: *Accitus sum ego ad id miraculi, videre exultantem in morte hominem, et insultantem morti. Ubi est mors victoria tua? ubi est mors stimulus* 1. Cor. 15.
tua? Iam non stimulus, sed iubilus. Jam cantando moritur homo, et moriendo cantat. *Vsurparis ad latitiam ma-*^{54.}
ter mœroris, usurparis ad gloriam gloriae inimica.

Crux PAPHNVTII, Crux ægrotantis.

Instrumen-
tum artis
benè mo-
riendi.

Excitatio
ægrotan-
tis.

Natura nostra mortalis de morbis triumphum agit, cùm ab eorum periculo libera euadit: anima verò immortalis in ipso vitæ discrimine nouit de morbo triumphare. Qui nouit in lecto magis se animæ immortalitate quàm corporis mortalitate duci, nouit etiam triumphare. Morbum superat, mortem vincit, & in ipso lecto decumbens solemnem triumphum auspicatur. Quidni triumphet in lecto, cùm subiugauerit aduersarium? Benè & opportunè satis lib. i. de Prouident. Saluian. *Infirmitas carnis vigorem mentis exacuit, vt, affectis artibus, vires corporum in virtutes transferantur animorum, & sola exultet anima lœta affecto corpore, quasi aduersario subiugato.* Quisquis ita vincit aduersarium, non tam lecto affixus quàm palinæ censendus est, & ipso Adamo felicior, priusquam amitteret innocentiam, vt adstruit Augustinus lib. ii. de Ciuitate Dei, cap. 12. *Quantum pertinet, inquit, ad delectationem præsentis boni, beatior erat primus homo in paradiſo, quàm quilibet homo in hac infirmitate mortali: quantum attinet ad spem futuri boni, beatior est quilibet in quibuslibet cruciatibus corporis, cui non opinione, sed certa veritate manifestum est sine fine se habiturum omni molestia carentem*

socie-

societatem Angelorum in participatione summi Dei , quām erat ille homo sui casus incertus in magna sua felicitate paradiſi. Triumphat æger , qui lecti palmæ affixus , de spe certæ suæ beatitudinis hilarescit , & hilaris rogat & orat : Rex gloriose , qui à ligno & in ligno sanctæ tuæ crucis regnasti atque triumphasti , præsta supplicant & ægrotanti , ne victus morbo deiiciar , sed victor in lecto ipso decumbam. Hoc est velle patientem ægrum triumphare , & more Pauli gloriari , dum ait : *Mibi autem absit gloriari , nisi in Gal. 6.14.*
Cruce Domini nostri IESV CHRISTI. Concludit ipse , cùm se infirmum recognosceret : *Libenter igitur glo- 2.Cor. 12,*
riabor in infirmitatibus meis , vt inhabitet in me virtus^{9.}
C H R I S T I. Hæc vox infirmantis Pauli est , & eadem sit ægrotantis & triumphantis , qui cor suum dedit in similitudinem picturæ , & virtute patientiæ suæ perficit opus.

Leuamen laborantis & ægrotantis.

Rex gloriosus crucis suæ victoriam agit , & celebra^{virtus Eu-}
 brat in venerando altaris Sacrificio ac Sa-^{charistia.}
 cramento ; in quo vir patiens labore & morbo af-
 flictatus , immemor suæ afflictionis , totus lætus &
 exiliens præ gaudio dicit : *Cor meum et caro mea exul-*^{Psal. 83.3.}
tauerunt in Deum viuum , qui viuæ vocis oraculo mo-

Matth. 11^{28.}, riens simul & resurgens clamat, *Venite ad me omnes,*
qui laboratis, et onerati estis, & ego reficiam vos. Con-
 ficitur & perficitur Agni mystici Sacrificium & Sa-
 cramentum in memoriam Passionis, Resurrectio-
 nis & Ascensionis eius, vt qui communicant cru-
 cifixi Regis Passionis, communicent etiam gloriosæ
 ac triumphanti eiusdem Resurrectioni & Ascensio-
 ni, impleaturque votum solemne Ecclesiæ agentis
 viaticum. de Crucis Exaltatione. *Felix ille triumphus, sit salus*
aegris, vitæ lignum, mortis remedium. Hoc ipsum vo-
 tum nostrum solemne sit, dum sanctos Præsules
 crucifixos contemplamur, & nobis in laboribus &
 infirmitatibus nostris propitios esse desideramus &
 postulamus, vt virtute sacræ Eucharistiaæ victoriam
 non in cælis solùm, sed etiam in terris, dum pati-
 mur, celebremus, quam & ipsi celebrarunt, de qui-
 bus Ambrosius lib. i. de Viduis p. 3. *Possunt pro pecca-*
tis rogare nostris, qui proprio sanguine etiam quæ habue-
runt peccata lauerunt. *Isti enim sunt Dei Martyres nostri*
Præsules, speculatores vitæ actuumque nostrorum. Non
 erubescamus eos intercessores nostræ infirmitatis adhibere,
 quia & ipsi infirmitatem corporis etiam dum vincerent,
 cognoverunt.

Gloriosum opus Artis Crucis & patientiæ,
Aurea & aureola corona.

Conuertitur crux in palmam , cùn de palma <sup>Honor alit
artem be-
nè viuen-
di & mor-
riendi.</sup> cæli cælestique triumpho consideratio est. Ver-
tebat in palmam crucem , quam in se Paulus gesta-
bat , & victoris instar dicebat : *Mibi autem ab sit glo-* Gal. 6,14.
riari ; nisi in Cruce Domini nostri IESV CHRISTI. Ac-
cedit Ambrosius in Psalm. 118. lit.5. verf.6. *Si oppro-
brium tuum gloria est , Domine I E S V , quanta est gloria
tua ? Tuæ igitur gloriæ participatione quid erimus , cuius
sumus opprobrio glorosi ?* Quanti Ambrosius faciat op-
probrium istud gloriosum , intelligi facilè potest ex
iis quæ statim addit : *Hoc opprobrium auferri à nobis
nolumus , opprobrium Crucis Domini IESV , quo nostra au-
feruntur opprobria.* Hæc vox PAPHNVTII est , & glo-
riantis Pauli , qui & dicit : *Superabundo gaudio in omni 2.Cor.7,4.
tribulatione nostra.*

Et quidem Præfules crucifixi lætitia sic abunda-
runt , vt gloria eorum redundaret , qua fruebantur
in mediis ipsis tormentis , & in nos adhuc redun-
det. Confirmat hoc ipsum Ambrosius lib.1. Episto-
larum , Epist.31. *Nos sanguine gloriamur , illos dispendium
manet. Nos hæc victoriæ loco ducimus , illi iniuriam pu-
tant. Numquam nobis amplius consuluerunt , quām cùm*

verberari Christianos, atque proscribi, ac necari iubarent. Præmium fecit religio, quod perfidia putabat esse supplicium. Videte magnanimos, per iniuriam, per inopiam, per supplicium nos creuimus.

Crescunt instar PAPHNVTII, & instar palmæ cruciferi, quibus Crux & passio CHRISTI, dum laborant & ægrotant, gloriosa est. Eapropter S. Pater noster Ignatius honoris & gloriæ loco Crucem & passionem CHRISTI reliquit nobis in Regula. Dilegenter animaduertant oportet (magnificiendo, summiq[ue] momenti id esse ducendo in conspectu Creatoris ac Domini nostri) quantopere iuuet ac conferat ad vitæ spiritualis profectum, omnino, & non ex parte abhorrere ab omnibus quæ mundus amat & amplectitur, & admittere & concupiscere totis viribus quidquid CHRISTVS Dominus amavit & amplexus est. Quemadmodum enim mundani homines, qui ea quæ mundi sunt sequuntur, diligunt, & querunt magna cum diligentia, honores scilicet, famam, magni nominis existimationem in terra, sicut mundus eos edocet; sic qui procedunt in spiritu, et serio CHRISTVM Dominum nostrum sequuntur, amant & ardenter exceptant, quæ iis omnia contraria sunt, indui nimirum eadem veste & insignibus Domini sui pro ipsius amore ac reuerentia, adeò vt, sine offensione vlla diuinæ maiestatis, & absque proximi peccato foret, vellent contumelias, falsa testimonia

stimonia & iniurias pati, & stulti haberit & existimari (nulla tamen ad id per eos data occasione) eò quòd ex-optent assimilari, & imitari aliquo modo Creatorem ac Dominum nostrum IESVM CHRISTVM, eiusque vestibus & insignibus indui: quandoquidem ille ipse propter maiorem profectum nostrum induit, nobisque exemplum dedit, ut in omnibus, quoad eius fieri poterit, diuina gratia aspirante, cum imitari & sequi, cum vera sit via, quæ dicit homines ad vitam, velimus. Sic vertitur crux in palma, quoties vir patiens de vita cælesti, eiusque coronis ac corollis sedulò & serio cogitat. Hinc factum, vt cum Basiliscus martyr Chrysostomo apparens dixerit, *Bono esto animo, & gaudio exulta inefabili, frater Ioannes; cras enim simul erimus*, in morte ipsa exultauerit. Splendida se veste induit, vt, more triumphatoris, venientem mortem exciperet. Egit triumphum, qui dixit iam moriturus, *Gloria Deo per omnia: & facto signo crucis, per crucem ad palmam venit.* Apprehendit hanc palmam in morte sua Eleazarus Comes, qui sacrum emittens spiritum, *Planè, inquit, vici.* Qualis palma, talis & crux, talis & patientia Principum in ipsis pœnis laborum & morborum gloria triumphatrix, cuius formam & imaginem lib. de Patientia cap. vlt. descriptis, & depinxit. *Age iam, inquit, si & effigiem habitumq; eius comprehendamus.* *Terullian.*

*Aureola in
cruce & le-
pto trium-
phantis.*


*Extrema
verba mo-
rientis.*

*Descriptio
patientia
trium-
phantis in
cruce &
lecto.*


bendamus. *Vultus illi tranquillus & placidus, frons pura, nulla mœroris aut iræ rugositate contracta : remissa æquè in lœtum modum supercilia, oculis humilitate non infelicitate deiectis.* Os taciturnitatis honore signatum. Color qualis securis & innoxii. Motus frequens capitis in diabolum, & minax risus. Ceterum amictus circa pectora candidus, & corpori impressus : ut qui nec inflatur, nec inquietatur. Sedet enim in throno spiritus eius mitissimi & mansuetissimi, qui non turbine glomeratur, non nubilo luet, sed est teneræ serenitatis, apertus & simplex, quem

^{3 Reg. 19,} tertio vidit Elias. Nam ubi Deus, ibidem & alumna eius,
^{12.} patientia scilicet. Cum ergo Spiritus Dei descendit, individua patientia comitatur eum. Si nos cum spiritu admiserimus, in nobis morabitur semper : imò nescio an diutius persevereret sine sua comite ac ministra. Omni tempore ac loco tangatur necesse est : quodcumque inimicus eius inflexerit, solus sustinere non poterit, carens instrumento sustinendi. Hæc patientiæ ratio, hæc disciplina, hæc opera cælestis & vera.









7. 12 Jun



6776
30

Agave deserti - straminea
Ch. de Mallory. 1st form

Lam. 1914

